

爾

雅

正

義

爾雅正義卷第十五

文淵閣校理顧大防編修加二級教習庶吉士充國史館纂修官邵晉涵撰集

香十四

義

洪範云木曰曲直曲直作酸孔

雖其身曰木乎地者親下指植物而言凡草木

之屬皆植物也至於辨其物生則各有所宜大

司徒土會之禮云山林其植物宜阜物墳衍其植物

膏物宜膏物正陵其植物宜覈物墳衍其植物

齊莢王棘之屬此篇所釋凡山林川澤正陵墳

後能辨所宜也古者列樹以表道故司徒各以

其野之所宜木遂以名其社與其野後世若粉

爾雅正義

卷十五

一

地者曰林故林衡所掌有大林麓中林麓小林麓之殊此篇言梲棘桑柳椒楸桃李之醜類舉以概其餘也竹類見釋草而此篇復云如竹箭日苞以草之質動者與木同性也白虎通義云木觸也陽氣動躍觸地而生也說文云木冒也曷地而生東方之行也釋名云木冒也華葉自覆冒也木類有喬者條者菜者核者其自相覆冒則同

栝山楨

今之山楸

正義

詩疏引李巡云山楨一名栝

炎本秦風毛傳為義也釋文云楨舍人本作楨古通用亦作夏學記云夏楚二物鄭註夏栝也羅願以為榎形圓楚形方互相備也詩疏引陸璣疏云栝今山楸也亦如下川楸耳皮葉白色亦自材理好宜為車板能溼又可為棺木宜陽共北山多有之案今山楸南方山中有之其材理種堅陸璣以為耐溼者是也

註

今之山楸

正義

下文云大而散楸小而散楸郭以栝為山楸所以別於小葉之楨也詳見下文

栲山栲註栲似栲色小白生山中因名云亦類漆樹俗

語曰標栲栲漆相似如一正義小雅云南山有栲唐

名山栲是栲之生於山者名栲也詩疏引舍人云栲一

耳吳人以其葉爲茗方俗無名此爲栲者似誤也今

所云爲栲者葉如標木皮厚數寸可爲車輻或謂之

栲櫟許慎正以栲讀如輟今人言栲者失其聲耳案

說文云椀山棹也繫傳引爾雅以爲椀卽棹也註栲

似至如一正義詩疏引郭註作色小而白說文繫

傳作色小白與今本同又詩疏引郭註多俗語曰標

栲栲漆相似如一十一字釋文則以爲方志之文也

今據詩疏增補樵者說文云栲或作標繫傳引字書

栲木似栲圖經本草云椿木栲木形幹大抵相類但

椿木實而葉香可噉栲木疎而氣臭膳夫亦能熬去

其氣北人呼栲爲山椿是本草以標爲椿也椿栲二

木相似栲卽栲之生山中者漆木色白葉似椿故俗

語以為四木相似如一也

柏

註

禮記曰鬯白以栒

正義

栒一名栒說文作栒也為

多節虞翻云陽剛在外故多節松柏之屬也松柏乘

具陽剛斯柯葉之勁不隨時改矣魏書引尚書逸篇

云東社唯栒白虎通義謂仰周官所云各以土地所

宜也魯頌云新甫之栒本草別錄以為生太山山谷

側栒**註**禮記至以栒。**正義**雜記云鬯白以栒栒以

栒鄭註所以搗鬱也栒栒也孔疏云以栒為口以栒

髡

栒

註

未詳

正義

說文云栒椀木未斫也椀椀木薪也

栒是其狀也

意以揚州人無稱標梅爲柎者故駁正孫註麁以樊
光之說則梅柎卽赤梗矣今江南人皆稱柎木鹽鐵
論云江南之柎梓竹箭是也註似杏實酢。正義郭
註山海經云柎大木葉似桑今作柎爾雅以爲柎不
言其似杏實酢也玉篇云葉似桑子似杏而酸則合
郭氏兩註而連言之案說文云梅柎也可食或以爲
似杏實酢之証然說文又有某字釋云酸果也是則
大木之柎似杏實酢之梅說文固分爲二矣文選註
又引郭璞云柎木似水楊蓋郭氏前後分註疑未能
定也今從陸璣疏柎似豫章一名梅下文英梅爲似
杏之梅

詳見下

被黏註

黏似松生江南可以爲船及棺材作柱埋之不

腐

正義說文云被黏也又云樹木也徐鉉云今俗作

杉非是今杉木所在有之圖經本草以爲木類松
而徑直葉附枝生是也或以被子一名榲實承昌人
呼爲野杉遂分被爲黏之類非雅義也註黏似至不

腐。○**正義**說文繫傳引爾雅註云生江南可作船又耐埋與今本互有詳略

櫟

註 櫟屬也子大如孟皮厚二三寸中似枳食之少

味

正義櫟一名櫟說文云櫟木可作牀几**註** 櫟屬至少味。○**正義**齊民要術引郭註作中似枳實今本

無實字櫟爲櫟屬卽范成大所謂廣南臭櫟大如瓜可食其皮甚厚者也

柎

註 似棗細葉葉新生可飼牛材中車輞關西呼柎

子一名土櫟

正義詩疏引舍人云柎一名櫟小雅云北山有柎唐風云隰有柎柎之植山隰

俱所宜也考工記弓人取幹之道櫟次之後世爲車輪者或用爲輻之牙焉詩疏引陸璣疏云柎櫟也葉似杏而尖白色皮正赤爲木多曲少直枝葉茂好二月中華疏華如練而細葉正白蓋樹今官園種之正名曰萬歲旣取名於億萬其葉又好故種之共汲山下人或謂之牛筋或謂之櫟材可謂弓弩幹也案陸

氏謂楹取名於億萬蓋因小雅以栲栳與省壽而申言其義爾註似棗至土楹。正義郭註山海經云柎

似棗而細葉又云楹中車材與此義同文選註引郭璞云楹似桑疑傳寫之訛

楸木瓜

註實如小瓜酢可食

正義木瓜一名楸衛風云投我以木瓜韓詩外傳以

爲於木瓜見包苴之禮行焉考工記弓人取幹之道木瓜次之木經註云魚復縣地多木瓜樹有子大如

鱗白黃甚苦香爾雅之所謂楸也今木瓜南方所在有之產中土者爲良小者如握拳註實如至可食。

正義齊民要術引詩義疏云楸葉似奈葉實如小瓜上黃似著粉香欲啖者截著熟灰中令萎焉淨洗以

苦酒或汁蜜度之可案酒食蜜封藏百日食之甚益人故郭氏以爲可食也

椋卽來

註

今椋材中車

正義

椋一名卽來太平御覽引爾雅舊註云椋有髓熊折

而乳之本草蘇恭註云葉似柿兩葉相當子細間如牛李子生青熟黑其木堅重煮汁赤色註今椋至車

輞 ○ 正義 玉篇云椽材中車輞也木郭註爲義
釋文引埤蒼字林並作椽云椽也玉篇亦作椽

栲栳 **註** 樹似槃椹而庠小子如細栗可食今江東亦呼

爲栲栗

正義

栲一名栲大雅皇矣云其灌其栲毛傳
用爾雅內則云芝栲蒨掛孔疏引賀氏說以

栲爲軟棗案今軟栗不聞名栲疑賀氏以意度之耳
栲卽大雅之栲後世所謂栲栗矣詩疏引陸璣疏云
葉如榆也木理堅韌而赤可爲車輞廣韻云楚呼爲
芋栗或作茅栗傳寫之訛也爾雅本草云茅栗細如
椽于其樹雖小葉亦不殊但春生夏華秋實冬枯爲
異耳 **註** 樹似至栲栗 ○ **正義** 今栲栗有二三實作一
椽者是其子細也詩釋文引舍人云江
淮之間呼小栗爲栲栗郭註與舍人同

椽落 **註**

可以爲椽器索

正義

椽一名落小雅大東云無
浸椽薪鄭箋椽落木名也案說

文以椽爲椽字之或體云椽木也以其皮裏松脂詩
疏引陸璣疏云今栲栳也其葉如榆其皮堅韌剝之

長數尺可爲繩索又可爲篋帶其材可爲柶器是椽之爲用多取其皮陸疏與說文同椽爲散木雜於薪蘇故詩連言樓薪註可以至器素○正義詩疏引某氏云可作柶圈皮鞞繞物不解案柶素柶棗也

柚條註

似橙實酢生江南

正義

柚一名條禹貢揚州云厥包橘柚玉篇云柚似橘而

大是也柚爲南方之木故列子湯問篇云吳楚之國有大木焉其名爲櫛碧樹而冬生實丹而味酸食其皮汁已憤厥之疾齊州珍之渡淮而北而化爲枳焉橘柚皆不踰淮屈原橘頌所謂受命不遷生南國也韓非外儲說云樹橘柚者食之則甘嗅之則香今南人多喜植之文子尚德篇云橘柚有鄉是楚人之言也註似橙至江南○正義郭註山海經云櫛似橘而大皮厚味酸與此註互相證明也云似橙實酢者不使橙潤於柚也本草蘇恭註云柚皮厚味甘橘皮味辛而苦柚肉如橘有甘有酸酸者名壺甘今俗或謂櫛爲柚非也云生江南者呂氏春秋木味篇果之美者有雲夢之柚今南方所在有之

時英梅

註雀梅

正義時一名英梅說文云棘梅也繫傳引時英梅爲證說文又云梅或作棣某

酸果古文作棣是爲似杏實酢之梅也召南云標有梅釋文引韓詩作棣毛傳云盛極則墮落者梅也夏小正云五月煮梅爲豆實也天官籩人饋食之籩有乾棣鄭註乾棣乾梅也是周以梅爲籩實矣內則所云梅諸卽乾梅也齊民要術引詩義疏云梅杏類也樹木葉皆如杏而黑耳實赤似杏而酸亦生叢也煮而曝乾爲腊置羹臠壘中又可食以香口亦蜜藏而食**註**雀梅○**正義**齊民要術引郭註云英梅未聞與今本異雀梅者本草別錄云一名千雀葉與實俱如麥李是梅之別種也案傳記多言梅此舉其種之異者言之下文

釋桃李亦然

援柅柳

註未詳

或曰柳當爲柳柅柳似柳皮可以煮作

飲

正義援一名柅柳說文云柳棧柳木也繫傳引爾雅**註**未詳至作飲○**正義**援柅柳之名不見於它

書故郭云未詳或曰柳當爲柳存異說也玉篇云柳
桓柳與或說同桓柳後世謂之檉柳葉似檉而狹長
大者高數丈皮麤厚今山中采茗者或雜柳葉
以眩人檉柳亦其一也監本脫以字今從宋本

栩

子註

作樹

正義

嘉祐本草引孫炎云栩一名杼小雅

而楨固故詩謂之苞栩矣栩葉如櫛而斜理四五月
華黃色實如離支核而銳蒂上有斗以包之故謂其
實曰皂斗卽下文所云櫟其實椽也大司徒土會之
法山林其植物宜皂物先鄭以爲皂物柞栗之屬今
世間謂柞實爲皂斗後鄭典染草註則以爲象斗也
說文云栩柔也其實皂一曰樣繫傳云阜亦曰皂斗
俗謂之椽可染皂故曰阜杼赤栗之屬莊子曰徂公
賦杼是也說文又云樣栩實繫傳云今俗書作椽莊
子徐無鬼居于深山拾椽栗而食案栩實可食故詩
言騶鴝並集於栩鳥有知者也呂氏春秋恃君篇云
冬日則食椽栗高誘註椽阜斗也其狀似栗是不獨
狙與鳥食之人亦食之矣今山中人飢歲以爲椽葉

之柔者可代茗飲。**註**柞樹。**正義**詩疏引陸璣疏云今柞櫟也。徐州人謂櫟爲柞，或謂之爲柞，其子爲阜。或言阜斗，其殼爲汁，可以染阜。今京洛及河內多言柞汁，謂櫟爲柞。五方通語也。陸疏所以廣異名。郭云柞樹與陸疏同。今汝州人呼爲椽子生山谷中，殼可染皂，以不經雨者爲良。

味莖著註

釋草已有此名，疑誤重出。

正義周禮註引杜

莖著之味是味，有味音莫，戒反，與音味者師讀不同也。釋文引舍人本莖著作抵都，樊光木著作屠，是舍人樊光俱不以爲重山之名。**註**釋草至重山。**正義**郭註釋草以莖莖爲五味，故疑此爲重山。然齊民要術引皇覽家記云：孔子冢墓中有五味木，則五味亦有木本矣。

菴莖註

詩曰：山有蔭，今之刺榆。

正義菴一名莖，舊疏引陸璣疏云：其針刺如柘。

其葉如榆，淪爲茹，美滑如白榆。榆之類數十種，葉皆相似，皮及木理異矣。**註**詩曰：至刺榆。**正義**郭所引

詩唐風文今本毛詩作樞隸釋載石經魯詩作蔭郭
註本於魯詩也云今之刺榆者所以別於大榆也監
本脫詩曰山有蔭五字
今據太平御覽增補

杜甘棠

註今之杜梨

正義

杜之甘者爲棠召南云蔽芾

滑美而杜味澀醉此味之殊也下文云杜赤棠白者
棠此色之殊也說文云杜曰棠北曰杜此性之殊也
繫傳謂木有杜杜者去其
杜則杜者不實詳見下

狄臧棹貢棊

註皆未詳

正義

玉篇云楸臧棹也釋文引
舍人本棹作臯樊光本作格案

說文云楸木也讀若皓
貢棊無考監本臧作藏

枕欒梅

註

枕樹狀似梅子如指頭赤色似小柰可食

正義

枕一名欒梅本草云山楸一名枕子一名欒梅齊民
要術引廣志云枕木易長多種之爲薪又以肥田郭

註山海經亦云枕可燒糞田註枕樹至可食。正義今枕生高原有二種小者高數尺多枝柯葉銳而刺上其華白其核若牽牛子矣大者高丈餘華葉同而實大經霜乃赤

杓者聊註未詳

正義聊玉篇作柳云木名也
杓本誤作杓釋文云郭音糾

魄榼註魄大木細葉似檀今河東多有之齊人諺曰

上山斫檀榼榼先殫

正義魄一名榼榼似檀之木也
一名繫迷又作繫彌太平御覽

引廣志云繫彌子赤如榼栗可食蘇恭本草註以為
英迷子兩兩相對色赤味甘註魄大至先殫。正義

詩疏引陸璣疏云檀木皮正青滑澤與繫迷相似又
似馭馬馭馬梓榆故里語曰斫檀不諦得繫迷繫迷

尚可馭馬馭馬繫迷一名孛榼故齊人諺曰上山斫檀
孛榼先殫案陸疏以榼榼為孛榼榼榼聲之轉也榼

榼皮可為索故
伐木者取之

榿木桂

註

今南人呼桂厚皮者爲木桂桂樹葉似枇杷

而大白華華而不著子叢生巖嶺枝葉冬夏常青間

無雜木

正義

榿一名木桂說文云榿桂也桂江南木

書王會篇云自深桂呂氏春秋本味篇云招搖之桂

屈原遠遊云嘉南州之炎德兮麗桂樹之冬榮桂南

方之木也南方草木狀云桂生合浦交趾生必高山

之顛冬夏常青其類自爲林更無雜樹有三種皮赤

者爲川桂葉似柿者爲崗桂葉似枇杷者爲牡桂蜀

本草云牡桂葉似枇杷葉狹長於崗桂一二倍其嫩

枝皮半卷多紫而肉中皺起肌理虛軟謂之桂枝又

名肉桂削去上皮名曰桂心其厚者名曰木桂**註**今

南至雜木。**正義**郭註山海經云桂葉似枇杷長二

尺餘廣數寸味辛白華叢生山峯冬夏常青間無雜

木與此註同說文繫傳引郭氏桂讚云桂生南裔拔

華峯嶺廣莫熙葩凌霜津穎氣王百木森然雲挺

榆無疵註

榆梗屬似豫章

正義

榆一名無疵管子地員篇云其木宜蛭宜菴菴卽榆

也說文云榆毋杮也是無疵本作毋杮也釋文引字書云無疵榆也本又作樅廣韻又作杮云無杮木也

註

榆梗至豫章

正義

郭氏舉類以曉人也顏師古

漢書註云豫卽枕木章卽樟木二木生至七年乃可
分別今樟木高丈餘葉似柗四時不彫
大者數抱肌理細縵雕刻之氣甚芬烈

柎

註 腫節可以爲杖

正義

柎一名橫大雅皇矣云其

中腫似扶老卽今靈壽是也今人以爲馬鞭及杖詩
疏亦引陸疏無卽今靈壽是也六字多宏農共北山

甚有之八字漢書孔光傳云賜太師靈壽杖孟康曰
扶老杖也服虔曰靈壽木名顏師古曰木似竹有枝

節長不過八九尺圍三四寸自然有合杖制不須削
治也陳藏器本草註以爲生劔南山谷圓長皮紫

腫節至爲杖

正義

詩疏引孫炎云橫腫節可
以作杖釋文引樊光註與孫炎同郭註本樊孫

檉河柳註今河旁赤莖小楊旄澤柳註生澤中者楊蒲

柳註可以爲箭左傳所謂董澤之蒲正義此別楊柳之類也大司徒

土會之法川澤其植物宜膏物先鄭云膏物楊柳之屬理致且自如膏故爾雅釋楊柳以爲河旁澤中之

木也夏小正云正月柳稔稔也者發孚也三月委楊楊則花而後記之此析柳與楊而分言之也爾雅以

檉旄爲柳可作箭者爲楊其種類固殊矣然三百篇多速言楊柳傳記皆合而舉之故檉爲朱楊楊爲蒲

柳其名未嘗不互通也○檉河柳○大雅皇矣云其檉其楛毛傳檉河柳也疏引某氏云河柳謂河旁赤

莖小楊也陸璣疏云生河旁皮正赤如絳一名兩師枝葉似松案河柳今南方道旁有之亦呼爲檉柳近

根皮赤亦有莖白者陸疏以爲一名兩師未審其命名之義後儒傳會謂天之將雨檉先知之起氣以應

此指楊枝起風者而言河柳小幹不如是也○旄澤柳○旄爲澤柳細葉猗儺垂枝映水因風眠起有似

於舞今人謂之垂絲柳○楊蒲柳○王風揚之水云
不流束蒲鄭箋以爲蒲柳疏引陸璣疏云蒲柳有兩
種皮正青者曰小楊其一種皮紅者曰大楊其葉皆
長廣似柳葉皆可以爲箭幹故春秋傳曰董澤之蒲
可勝既乎今又以爲箕籬之楊也案唐本草謂之水
楊註今河至小楊○正義說文云柳小楊也郭氏子
虛賦註云朱莖柳生水邊與此註義同顏師古漢書
註亦云朱楊赤莖柳也生水邊○左傳至之蒲○正
義宣十二年傳文

權黃英輔小木註權輔皆未詳

正義說文云權黃華木按釋

草云權黃華草木之華有相似也輔者鄭風山有扶
蘇毛傳云扶蘇扶胥小木輔爲扶胥之合聲小雅正
月云無棄爾輔言任載
之車旁輔之小木也

杜赤棠白者棠註棠色異異其名

正義上文云杜甘棠
所以別其味此又別

其色也唐風云有扶之杜毛傳杜赤棠也六書故引舍人云白者爲棠赤者爲杜爲甘棠爲赤棠詩疏引樊光云赤者爲杜白者爲棠陸璣疏云赤棠與白棠同耳但子有赤白美惡子白色爲白棠甘棠也少酢滑美赤棠子澀而酢無味俗語云澀如杜是也赤棠木理韌亦可以作弓幹註棠色至其名○**正義**郭意以杜之名從棠而辨也今棠梨似梨而小二月華色白實如小棟子霜後可食

諸慮山藥註

今江東呼藥爲藤似葛而麤大攝虎藥註

今虎豆纏蔓林樹而生莢有毛刺今江東呼爲櫟攝

正義此別藥之類也○諸慮山藥○諸慮一名山藥

困上六云困于葛藟周南樛木云葛藟藟之藥卽山

藥也蔓生似葛故易詩皆連言之劉向九歎云葛藟

藥於桂樹兮王逸註葛藟巨荒也齊民要術引詩義

疏云藥苕荒也似燕真連蔓生葉白色子亦可食酢

而不美幽州謂之椎藥○攝虎藥○攝一名虎藥卽

虎豆也古今註云虎豆一名虎沙似狸豆而大註今
江至麤大○正義江東呼粟爲藤者廣雅云藟藤也

似葛而麤大者押韻釋疑云藟似葛葉似艾白色子
赤可食○今虎至檟榭○正義郭註山海經以藟爲

虎豆狸豆之屬狸豆一名黎豆虎豆則虎藟也藟
者廣雅云豆角謂之藟釋文引字林云草實也

杞枸櫞

註今枸杞也

正義說文云杞枸杞也檟枸杞也
姤九五云以杞包瓜釋文引張氏

說以爲苟杞也小雅四牡云集於苞杞毛傳用爾雅
左氏昭十二年傳云我有圃生之杞乎杜註云世所

謂枸杞也證類本草引陸璣疏云一名苦杞一名地
骨春生作莢茹微苦其莖似莓子秋熟正赤莖葉及

子服之輕身益氣爾註今枸杞也○正義左傳疏引
舍人云句杞也禮記疏引孫炎云即今枸杞也郭註

本孫炎本草云一名杞根一名杞忌一名地
輔太平御覽引吳普云一名枸已一名羊乳

杭魚毒

註杭大木子似栗生南方皮厚汁赤中藏卵果

正義 杭一名魚毒管子地員篇其木宜蛻蓋蛻卽杭也玉篇云杭木名出豫章煎汁藏果及卵不壞也杭監本誤作杭今從宋本**註** 杭大至卵果○**正義** 急就篇云烏喙附子椒芫華顏師古註云芫華一名魚毒漁者煮之以投水中魚則死而浮出故以爲名其根曰蜀桑其華可以爲藥芫字或作杭爾雅曰杭魚毒郭景純解云大木生南方皮厚汁赤堪藏卵果此說誤耳其生南方用藏卵果者自別一杭木乃左思吳都賦所云條杭椹者耳非毒魚之杭也案說文作芫魚毒顏氏以芫華駁正郭註誠有據矣然中山經云首山草多木芫郭氏彼註云芫花中藥是郭氏非不知草類有芫華也特以爾雅載杭於釋木而南方實有大木名杭者故不以爾雅之魚毒爲芫華劉逵吳都賦註引異物志云杭人樹也其皮厚味近苦澁劉乾之正赤煎訖以藏衆果使不爛敗以增其味豫章有之此正可與郭註相證明豈得遠以郭氏爲誤解哉顏監所據者漁人以芫花藥魚耳以今驗之藥魚者不皆用芫華而創瘍有所謂魚尾者以杭子敷

之卽差是亦杭子名爲魚毒之證也言各有當知郭註未可非矣

檄大椒

韻

今椒樹叢生實大者名爲檄

正義

椒之大者

聊之實蕃衍盈升陳風云貽我握椒毛傳椒芬香也周頌云有椒其馨芬香之物古以和酒又以作佩離騷云雜中椒與筒桂兮又云懷椒櫛而要之九歌東皇太一云奠桂酒兮椒漿湘夫人云播芳椒兮成堂九章悲回風云折芳椒以自處皆於芳物有取焉詩疏引陸璣疏椒聊聊語助也椒樹似茱萸有針刺葉堅而滑澤蜀人作茶吳人作茗皆合煮其葉以爲香今成阜諸山間有椒謂之竹葉椒其樹亦如蜀椒少毒熱不中合藥也可著飲食中又用蒸雞豚最佳香東海諸島亦有椒樹枝葉皆相似子長而不圓甚香其味似橘皮島上獐鹿食此椒葉其肉自然作椒橘香案本草有秦椒蜀椒兩種蜀椒一名巴椒一名唐藪唐本註云秦椒葉及童子都似蜀椒但味短實細圖經云蜀椒高四五尺四月結子無花但生於葉間

如小豆顆而圓皮紫赤色此椒江淮及北土皆有之
但不及蜀中者皮肉厚氣味濃耳

正義郭註山海經云椒爲木小而叢生
下有草木則盡死殺其質大者之名也

棟鼠梓

註

楸屬也今江東有虎梓

正義

詩疏引李巡云
鼠梓一名棟小雅云

北山有棟毛傳用爾雅釋文以爲楸屬

梓○**正義**詩疏引陸瓌疏云其樹葉木理如楸山楸
之異者今人謂之苦楸圖經本草鼠李亦名
鼠梓然花實都不相類或別一物而名同爾

楓櫛櫛

註

楓樹似白楊葉圓而岐有脂而香今之楓香

是

正義

說文云楓木厚葉弱枝善搖一名葉葉又云
葉木葉搖白也繫傳云木遇風而翻見葉背背多

白故曰搖白也楓木一名葉葉義出乎此廣韻引孫
炎云櫛櫛生江上有寄生高三四尺生毛一名楓子

天旱以泥泥之仰雨今楓木所在有之楚辭所謂湛
湛江水兮上有楓也

註

楓樹至香是○

正義

本草蘇

頌註云今南方及關陝甚多樹甚高大似白楊葉同
而作岐有三角而香二月有花白色乃連著實大如
鵝卵八月九月熟時暴乾可燒案廣韻引爾雅云楓
有脂而香蓋引爾雅舊註之文郭註山海經亦云楓
木卽今楓
香樹也

寓木宛童

註

寄生樹一名蔦

正義

小雅頰弁云蔦與女蘿疏引陸璣疏云蔦一名

寄生葉似當盧子如覆盆子赤黑甜美案方言云寓
寄也寄附於大木而生故謂之寓木廣雅云宛童寄
生也又云寄屏寄生也廣異名也今寄生多於桑
上木草云桑上寄生一名寄屏一名寓木一名宛童
後漢書註云百草至寒皆彫落惟寄生獨榮於桑上
註寄生至名蔦。**正義**中山經云龍山上多寓木郭
氏彼註云寄生也
說文云蔦寄生也

無姑其實夷

註

無姑姑榆也生山中葉圓而厚剝取皮

合漬之其味辛香所謂蕪蕪

正義廣雅云山榆毋姑也是無姑爲榆類也其

實名夷頤九二云枯楊生荑釋文引鄭註云枯謂无

姑山榆莢木更生謂山榆之實是鄭亦以無姑爲山

榆矣秋官壺涿氏謂之牡樗杜子春云樗讀爲枯枯

榆木名是也春秋繁露郊語篇蕪夷生於蕪橘柚死

於荆此言物性之相感也**註**無姑至蕪夷。**正義**顏

師古急就篇註云蕪夷無姑之實無夷一名樗榆生

於山中其莢圓厚剝取樹皮合漬而乾之成其辛味

此据郭註而申言之也王應麟補註引本草云榆類

而差小其實亦早成今

人多取作屑以芼五味

櫟其實棗**註**有棗彙自裹

正義上文云榘杼所以別二名杼又名櫟此言其實彙裹

也秦風晨風云山有苞櫟疏引陸璣疏云秦人謂杼

櫟爲櫟河內人謂木蓼爲櫟椒櫟之屬也其子房生

爲棗木蓼子亦房生故說者或曰杼櫟或曰木蓼璣

以爲此秦詩也宜從其方土之言杼櫟是也案陸疏

從秦中方土之言以柞櫟爲櫟然元和郡縣志引周處風土記云吳越之間名柞爲櫟是不獨秦語爲然故郭氏上文註直以柞爲柞樹也淮南時訓云十月二月其樹櫟高誘註云櫟可以爲車轂木不出火惟櫟爲然註有棗葉自裏正義詩疏引孫炎云櫟實櫟也有棗葉自裏郭註本孫炎釋文引舍人云櫟實名棗也案櫟實卽阜斗一名爲櫟棗與棗通所謂聚生成房也以棗爲名誤矣故郭氏不取

榘蘿

註今楊榘也實似梨而小酢可食

正義榘一名蘿

作羅秦風晨風云隰有樹榘太平御覽引陸璣疏云榘一名赤蘿一名山梨今人謂之楊榘樹及實如梨但小耳一名鹿梨一名鼠梨今齊郡廣縣堯山魯國河內共地有人亦種之極有脆美者亦如梨之美者詩疏引釋木云榘赤蘿疑連引舊註之文註今楊至可食。正義太平御覽引廣志云陽榘子似梨大如杏可食與

郭註同

楔荆桃

註

今櫻桃

正義

楔一名荆桃月令仲夏之月羞以含桃孔疏云諸月無薦果之文此

獨羞含桃者以此果先成異於異物故特記之高誘呂氏春秋註云鸞鳥所舍故曰含桃今之朱櫻是也

淮南時則訓註云含桃鸞桃也此皆荆桃之異名也太平御覽又引吳普本草云一名牛桃一名英桃

註今櫻桃。正義廣雅云櫻桃含桃也齊民要術引廣志云櫻桃大者如彈九子有長八分者有白色者凡

三種

旄冬桃

註

子冬熟橈桃山桃

註

實如桃而小不解核

正義

此別桃之異種者也桃之冬熟者名旄說文作檖冬桃今之十月桃也生山中者名橈桃夏小正云正月

梅杏也桃則華也桃山桃也六月煮桃桃也者也桃也地桃也者山桃也煮以爲豆實也

註子冬熟。正義齊民要術引廣志云桃有冬桃夏白桃案冬桃至今有之朱弁謂密縣有一種冬桃夏花秋實八九月

間桃自開其核墮地而復合肉生滿其中至冬而熟
味如淇上銀桃而加美此冬桃之異種也桂海虞衡
志云冬桃狀如棗軟爛甘酸冬月熟○實如至解核
○**正義**太平御覽引曹毗魏都賦註云山桃子如胡
麻子此言其小也又引裴淵廣州記云山
桃大如檳榔形亦似之色黑而味甘酢

休無實李註一名趙李**瘞接慮李註**今之麥李駁赤李

註子赤

正義此別李之異種者也李之無實者名休

瘞誤作瘞今從宋本

李之赤者名駁齊民要術引廣

志云麥李赤李細小**註**一名趙李○**正義**郭氏據時

驗也今未聞○今之麥李○**正義**陶註本草云李類

甚多京口有麥李麥秀時熟小而肥甜羅願云爲果

肉厚而乾與核相離○子赤○**正**

義羅願以爲李之赤而有水者也

棗壺棗註

今江東呼棗大而銳上者爲壺壺猶瓠也邊

要棗

註子細腰今謂之鹿盧棗
檨白棗**註**卽今棗子

白熟**棾酸棗****註**樹小實酢孟子曰養其棾棘楊敬齊

棗

註未詳遵**羊棗****註**實小而圓紫黑色今俗呼之爲

羊矢棗孟子曰曾皙嗜羊棗洗**大棗****註**今河東猗氏

縣出大棗子如雞卵煮**填棗****註**未詳**蹶泄苦棗****註**子

味苦**皙無實棗****註**不著子者還**味檢棗****註**還味短味

正義夏小正云八月剝棗剝也者取也爾風與夏小

正同周禮以棗爲饋食之饗實曲禮又以爲婦贊焉

棗類孔多此分斷其名也壺棗者釋文引孫炎云棗
形上小下大似瓠故曰壺是也要棗一名邊唐石經
邊作邊白棗一名檨今之白色棗也說文云檨木可
以爲車軸材也酸棗一名棾檨卽棘也魏風云爾有

棘其實之食毛傳云棘棗也淮南兵畧訓云伐棘棗而爲矜高誘註云棘棗酸棗是又名棘棗也齊棗一名楊微釋文云微木或作微羊棗一名遵說文棗羊棗也是以爲棗之總名也大棗一名洗本草謂大棗曰良棗史記所謂安邑干樹棗也與棗一名煮若棗一名躡泄無實者名哲還味者名檢棗後世棗類有出於爾雅之外者然於爾雅所釋未能盡悉也註今江至瓠也○正義此據時驗以壺棗爲象形也壺猶瓠者古者壺瓠通用禹貢壺口史記作瓠口左傳實諸瓠正杜註作壺正亭七月毛傳云壺瓠也○子細至盧棗○正義太平御覽引廣志云棗有細腰之名要古腰字○即今至白熟○正義今之白棗也凡棗至熟時多作紅色或作黑色惟白棗則熟時仍色白耳監本作白乃熟宋本無乃字今從宋本○樹小至械棘○正義今酸棗無大樹結實生青熟紅而皮薄孟子曰養其械棘者告子篇文趙岐註云械棘小棘所謂酸棗也說文云棘小棗叢生○實小至羊棗○

呼為羊... 趙岐註云羊棗棗名也。○今河至雞卵。○**正義**齊民

要術引廣志云河東安邑棗太平御覽引杜氏新書

云杜畿為河東太守劉勳常從畿求大棗是河東故

多大棗矣大如雞卵舉其大者言之也晉書地理志

司州河東郡猗氏縣今為蒲州府猗氏縣。○子味苦

○**正義**今苦棗色青而小味若人多不能食。○不著

子者。○**正義**今有無核棗此蓋為不華而實者也。○

還味短味。○**正義**說文作棗味陰棗繫

傳引爾雅註六還味短若也與今木異

椶櫚

註今梧桐

正義椶一名椶賈誼書以椶為春木柳

冬木木生於春故椶為陽師所宜養者矣椶似桐而

皮青理細而種葉亦似桐稍小而銳四月間華下垂

細葉莢長數寸結實特滋秋穰鄂烏喜食之古亦

謂之梧桐羅願以為椶者指之別名疑仰左傳所謂

寸也

樸枹者

註

樸屬叢生者爲枹詩所謂械樸枹槩

釋

此

爲枹也方言云樸聚也郭氏被註云樸屬藜用者貌

說文云樸棗也棗疑聚字之訛繫傳謂爾雅釋木方

說諸棗而連屬云樸枹者則註解者自然以此樸爲

棗也是徐鍇以許慎引爾雅註爲漢時舊木未之詳

也**註**樸屬至枹槩○**正義**詩疏引孫炎云樸屬叢生

謂之枹郭註本孫炎鄭註考工記云樸屬附著堅固

貌孔穎達云樸屬謂根枝迫近相附著之貌詩所謂

械樸枹槩者大雅云芄芄械樸秦風云山有苞樸

謂觀采薪采薪卽薪**註**

指解今樵薪

正義

此言薪采之

薪柴鄭註大者可折謂之薪小者合束謂之柴薪施

炊爨柴以給燎高誘淮南註卽就也是卽薪爲就薪

也謂觀采薪未斲其義釋文謂舍人引上句觀梧合

在此句以謂字作彙釋云觀梧者樸枹者槩者其理

也樸者相追附也彙者重也如竹箭一讀曰枹也觀

名采薪又名卽薪樊光引詩云薪是穫薪荆州曰柞

木采木詩人不曉薪意言薪謂身卽薪伐之也李逡云采薪一名彙椶言卽薪謂二薪也孫炎引詩云薪是穫薪薪一名彙椶四家之說小有異同以謂字作彙蓋爾雅家相傳之舊說也

棧棧其註

棧實似柰亦可食

正義說文云棧遼其也今爾雅本遼作棧齊民要術

引異物志云棧棧性貞動堪作船其質類棗註棧實至可食○**正義**郭註山海經云棧一名速其子似柰而赤可食與此註同說文繫傳引郭註無赤字

劉劉杙註

劉子生山中實如梨酢甜核堅出交趾

正義劉一

名劉杙南方草木狀云劉樹子大如李實三月花包仍連著實七八月熟其色黃其味酢煮膏藏之仍甘好註劉子至交趾○**正義**太平御覽引吳錄地理志云交趾羸樓縣有劉子樹出山中實如梨而味酸美郡內皆有之與郭註同吳都賦作榴劉逵註云榴子出山中實亦如梨核堅味酸美交趾獻之案劉榴以

聲近相通爾或以此爲安石榴非也

檳槐大葉而黑註槐樹葉大色黑者名爲檳守宮槐葉

晝聶宵炕註槐葉晝日聶合而夜炕布者名爲守宮

槐

正義此別槐之類也秋官朝士掌外朝之法而三槐三公位焉白虎通義社稷篇引尚書云北社宜

槐淮南時則訓以爲九月其樹槐也槐細葉而綠四月華色黃六七月之間實垂枝扶疎夏得其蔭古者

多植於庭謂之庭槐其大葉而黑者別名檳又有守宮槐葉晝合而夜分布故謂之守宮註槐葉至宮槐

○正義

初學記引孫炎云聶合也齊民要術引孫炎

云炕張也釋文引樊光本作抗亦張布之義郭註義

本孫炎釋文又引顧野王云炕張也亦本於孫炎也或欲傅會於今之合昏以爲晝閒宵合疑郭氏爲誤

解今考太平御覽引晉儒林祭酒杜行齊說在朗陵縣南有一樹似槐葉晝聚合相著夜則舒布而守宮

也江東有樹與此相反是則守宮之槐畫合
宵張古人得諸目驗不得傳會爲合昏也

槐小葉曰榎

註

槐當爲楸楸細葉者爲榎大而榖楸

註

老乃皮麤皴者爲楸小而榖榎註小而皮麤皴者爲

榎左傳曰使擇美榎

正義

說文云榎楸也此別其相
似而殊也楸誤爲槐因上文傳

寫而誤也楸之小葉者爲榎大者爲楸其皮之麤皴
則同左氏襄十八年傳云伐雍門之萩徐鍇以爲萩
卽楸也古者列樹以表道伐雍門之楸猶襄八年傳
所云斬行栗矣離騷云望長楸而太息楸爲長大之
木也左傳疏引舍人云大老也榖楸皮也皮者而籠
楸爲楸小少也小而籠楸者爲榖釋文引孫炎云老
乃皮麤皴爲楸註釋文木作榖註左傳至美榎○**正義**
襄二年傳文傳又云使樹六榎於蒲圃又云樹吾

慕榎榎
可材也

椅梓

註 卽楸

正義

詩疏引舍人云梓一名椅案鄴風定之方中云椅桐梓漆以椅與梓分言之小

雅淇露云其桐其椅以桐椅爲類續漢志註引王際小學漢官篇云樹栗椅桐梓胡廣云四者皆木名治

官室并主之是亦以椅梓爲二木也以今考之椅梓實爲同類詩疏引陸璣疏云梓者楸之疏理白色而

生子者爲梓梓實桐皮曰椅則大類同而小別也書疏云梓木之良者治之宜善後遂以爲木之工匠之

名註 卽楸。**正義** 鄭註考工記云梓榎屬榎卽楸也齊民要術云楸梓二木相類白色有角生子者爲梓

或名子楸或名角楸黃色無子者爲柳楸亦呼荆黃楸也說文繫傳云今人名臧理曰梓質白曰楸

楛赤棟白者棟

註

赤棟樹葉細而岐銳皮理錯戾好叢

生山中中爲車輞白棟葉圓而岐爲大木

正義 小雅四月云隰

有祀楛此別其赤白之異名也說文云楛赤棟也詩疏引舍人云楛名赤棟也某氏云白色爲棟其色雖

異為名同江河間棟可作鞍釋文云棟又作椽**註**赤

棟至大木。**正義**詩疏引陸璣疏云棟葉如梓皮薄而白其木理赤者為赤棟一名棟白者為棟其木皆堅韌今人以為車轂郭註又以葉之細圓為辨也

終牛棘**註**即馬棘也其刺麤而長**正義**九家易云坎為

此斯其類也牛棘一名終蓋棘之大者鄭註士喪禮云世俗謂王棘死鼠王棘可以叱鼠是其類也**註**即

馬至而長。**正義**中山經云大苦之山有草焉其狀如榆方莖而蒼傷其名曰牛傷郭氏彼註云猶言牛

棘也牛棘一名馬棘廣異名也

灌木叢木**註**詩曰集于灌木痾木苻婁**註**謂木病疴偃

瘰腫無枝條蕢藹**註**樹實繁茂菴藹枹適木魁痾**註**

謂樹木叢生根枝節目盤結硯磊**正義**大雅皇矣云其灌其柶說文引

詩云譬彼槐木周南桃夭云有黃其質廣韻引詩云
袍有三枿此分釋之也。灌木叢木。夏小正云灌
也者聚生者也說文云叢聚也詩疏引李巡云木叢
生曰灌木易謂之莽鄭註云莽叢木也說文又以鬱
爲木叢生者楚爲叢木平土有叢木曰林是皆推言
其類也釋文木灌作灌。槐木符婁。槐木今手詩
作壞木傳云壞槐也謂傷病也說文云槐病也一曰
腫有出也符說文作疴云俛病也婁說文作瘻云頸
腫也木性喜喬及受病則多拳曲而擁腫疴瘻言其
病狀也詩疏引某氏曰詩云譬彼槐木疾川無枝符
婁疴偃內疾瘻磊故疾用無枝釋文以爲卽樊光之
說矣釋文又引李巡云符婁一名槐木無枝木也。
黃藹。說文以黃爲雜香艸假借以爲木黃錯雜之
貌詩言藹藹亦形容其多故以黃爲藹也毛傳云黃
實貌是也詩疏引舍人說以符婁屬此句樊孫郭皆
所不從也。袍道木魁槐。此覆釋上文樸袍者之
義說文云道迫也釋文云謂叢積迫而生詳見上文
郭以槐磊釋魁槐取其聲相近也此申釋上文槐木

苻婁之義也註詩云至灌木。

正義 周南葛覃文毛傳用爾雅

械白桜註

桜小木叢生有刺實如耳璫紫赤可啖

正義 一

名白桜大雅云芄芄械樸疏引陸璣云三蒼說械卽

柞也其材理全白無赤心者爲白桜直理易破可以

爲積車輻又可爲矛戟矜今人謂之白楲或曰白栝

此二說不同未知孰是案薛綜西京賦註謂今白糝

也本草以爲糝核是也註桜小至可啖。**正義** 陶註

本草云糝核大如烏豆形圓而扁有文理狀似胡桃

核圓經本草云紫細似枸杞而狹長花白子附

莖生紫赤色大如五味子葉多細刺與郭註同

梨山檮註

卽今梨樹

正義 梨生山中者名檮子虛賦謂之離文選註引張揖云離山梨也

玉篇云檮山梨也皆以檮爲山中之梨也顏師古急

就篇註謂梨一名山檮非也註卽今梨樹。**正義** 說

文云梨果也今梨樹高二三丈葉銳而

膩二月華色白結實生噉之亦可蒸食

桑辨有甚椹註辨半也女桑椹桑註今俗呼桑樹小而

條長者爲女桑樹

正義說文云桑蠶所食葉木夏小

此釋其甚與其類也。桑辨有甚椹。魯頌泮水云食我桑黹毛傳黹桑實也說文作菘云桑實也小爾雅云桑之實謂之菘菘之實謂之椹桑實白自變紅至熟而黑乃可食故字或從黑王顧農書云荆桑多其魯桑少甚此地氣之殊也釋文引舍人云桑樹一半有甚半無甚名椹樊光與舍人同。女桑椹桑。幽風七月云狗彼女桑毛傳女桑莢桑也莢與椹通鄭箋女桑小枝長不枝落者束而采之註今俗至桑樹。正義郭註木鄭箋以女桑爲樹名詩疏引集註定本云女桑柔桑取周易枯楊生莢之義莢是葉之新生者非郭義也

榆白粉註粉榆先生葉卻著莢皮色白

正義詩疏引孫炎云榆白者名

粉或以榆爲白粉者誤也陳風云東門之粉毛傳粉
白榆也鄭註內則云榆白者粉玉篇云粉白榆也榆
類至多上文已釋刺榆山榆此又言榆之白者爲粉
也註粉榆至色白○正義此別粉與榆之異也赤榆
未生葉時先著莢莢既拆葉方生白榆則先生葉卻
著莢此爲異爾白榆名粉故亦稱爲粉榆也粉皮本
白剝而去其麤殼中更白而滑內則所謂莖莖粉
榆免葉澹澹以滑之殆榆取其葉粉取其皮與

唐棣核

註

今白核也似白楊江東呼夫核

正義

詩疏引
舍人云唐棣

一名核唐棣與常棣異而詩考引韓詩序云夫核燕
兄弟閏管蔡之失道也義文類聚引三家詩云夫核
之華莢不焯焯誤以唐棣爲常棣兼明書引孔氏論
語解唐棣棣也又誤以常棣爲唐棣也舊疏引陸賈
疏云與李也一名雀梅亦曰車下李所在山皆有其
華或白或赤六月中熟大如李子可食案郭云似白
楊則與陸賈所云與李者異也亂今白至夫核○正
義白核亦謂之核楊以其似白楊也陳藏器云夫核

木生江南山谷無風葉動花反而後合詩云唐棣之華偏其反而是也今各木郭註俱脫今白核也四字詩疏及詩釋文引郭註皆有之齊民要術引郭註作白核似白楊蓋已有刪節也今據詩疏增補

常棣棣

今關西有棣樹子如櫻桃可食

正義詩疏引舍人云常棣

一名棣小雅云常棣之華又云維常之華舊疏引陸璣疏云許慎曰白棣樹也如李而小如櫻桃正白今官園種之又冇赤棣樹亦似白棣葉如刺榆葉而微圓子正赤如郁李而小五月始熟白關西天水隴西多有之齊民要術引詩義疏云承花者萼其實似櫻桃莫李麥時熟食美北人呼之相思也**註**今關至可食。**正義**顏師古急就篇註云其子熟時正赤可啗俗呼爲山櫻桃隴西人謂之棣子

檟苦茶

樹小如梔子冬生葉可煮作羹飲今呼早采

者爲茶晚取者爲茗一名莽蜀人名之苦茶

正義檟一名苦

茶釋文云茶埤蒼作椹今蜀人以作飲音真加反茗之類案晏子春秋有茗菜之文然無以定其爲卽今茗飲漢人有陽羨買茶之語則西漢已尚茗飲三國志韋曜傳曜初見禮異密賜茶薺以當酒自此以後爭以茗飲相尚矣註樹小至苦茶正義今茶樹小者一二尺大者至數丈葉似梔子南方采葉作飲以春采者爲良釋文云薺椹茗其實一也張揖雜字云薺茗之別名也

楸樸心

註

榭楸別名

正義

詩疏引孫炎云樸榭一名心

河間以作柱名南野有死廡云林有樸楸毛傳樸楸小木也案詩疏引爾雅作樸楸心諸家訓釋俱從詩文作樸楸唯陸氏釋文本作樸楸亦作樸今本仍陸本之舊也註榭楸別名正義說文繫傳引郭註作楸別名榭與今本異繫傳又云卽今小榭樹栗之類也

榮桐木

註

卽梧桐

正義

桐木一名榮夏小正云三月拂桐芭拂也者拂也桐芭之時也或曰

言桐芭始生拂拂然也案月令三月桐始華至今猶然以桐芭爲三月始生者非也雖顏云桐與梧旣異而桐之中又有數種有其子可以取油者蓋卽詩所謂其桐其椅其實離離也有華而不實堪作琴瑟者若生石間其聲則鳴書嶧陽孤桐是也

棧木干木

註 殭木也江東呼木斂

正義

棧木一名干木釋文引樊光本作杆

廣雅云杆柘也玉篇云杆殭木也

註

殭木至木斂○

正義 釋文引字書云殭死而不朽木或作僵說文云僵僵也又作樞江東呼木斂者言其斂斂也

壓桑山桑

註 似桑材中作弓及車輶

正義

說文云壓山桑也詩曰其壓其

柘說文所引大雅皇矣文也壓爲桑類故稱壓桑類師古漢書註以爲桑葉之有黑文者是也壓桑之絲謂之壓絲禹貢云厥篚壓絲司馬貞云壓絲是蠶食壓之絲孔穎達以爲絲中琴瑟也

註 似桑至車輶○

正義 書疏引郭註云柘屬也疑今本註有闕文云材中作弓者考工記云弓人取幹之道柘爲上屨桑次之屨桑之弓卽春秋國語所云屨弧矣屨桑又可作車轂以桑本之堅韌也

木白斨神

註

斨踣立死

註

不斨頓

註

斨破者斨

註

樹蔭

斨覆地者詩云其柞其斨

正義

此別木柞假之異名也老木非人所栽而自仆

於地者曰神說文作槓云仆木也繫傳云尚書若顯木之有田柞木作俱字作頓假借也旣枯之木側立不仆根著於地者曰斨詩疏引李巡云以當死害生曰斨是也木勢將下假垂陰委地者曰斨李巡本蔽作斨云斨死也

註

詩云至其斨

正義

大雅皇矣文毛傳云木立死曰斨自斨爲斨孔疏引爾雅作立死

斨斨者斨而釋之曰以立死之木妨他木生長爲木之斨叔曰斨也自斨者生木自倒枝葉覆地爲斨斨故曰斨爾雅直云斨者傳以非人斨之故曰自斨案孔氏所見爾雅無自斨神一句劉昭註補續志引爾

雅曰木立死曰菑與孔氏所据本同詩釋文引爾雅云木自斃神蔽者爲翳又似無立死菑三字皆所見異本也監本留作櫛

木相磨櫛註樹枝相切磨櫛註謂木皮甲銷梢註擢

註謂木無枝柯梢擢長而殺者正義此釋枝柯皮甲之異也凡兩木枝柯

相竝互相摩戛者謂之櫛說文云櫛木相摩或作櫛是也木之皮甲錯蹙者謂之櫛亦謂之櫛上文云大而敲小而敲是也木之直疎而無旁枝者謂之梢亦謂之梢擢下文云無枝爲檄卽擢也方言云擢收也廣雅云擢出也小爾雅云拔根曰擢文選註引倉頡篇云擢抽也註樹枝相切磨正義說文繫傳引爾雅註云謂樹皮相切磨也與此微異

樅松葉柏身註今大廟梁材用此木尸子所謂松柏之

鼠不知堂密之有美樅檜柏葉松身註詩曰檜楫松

舟正義此別樅與檜之異也松葉柏身者名樅文選

柏之類樅材為最大其性與松柏同說文繫傳引李

暹文子註云如樅之常不彫是也柏葉松身者名檜

檜一名栝禹貢荊州云栝餘栝柏史記集解引鄭註

云栝葉松身口栝釋文引馬融說又以栝為白栝說

文從爾雅以栝葉松身為檜也羅願云檜今人亦謂

之曰栝以別於側栝註尸子至美樅正義釋山篇

註亦引尸子此文舊疏以為綽子篇文正義詩曰至松

角正義鄜風竹竿文左傳稱栝有翰檜皆檜材之

見於川者也

句如羽喬註樹枝曲卷似鳥毛羽下句曰料上句曰喬

如木楸曰喬註楸樹性上竦如竹箭曰苞註篠竹性

叢生如松柏曰茂註枝葉婆娑如槐曰茂註言亦扶

疎茂盛

正義釋詁云喬高也苞茂豐也此釋其形狀及木之類也句如羽喬者說文云喬高而曲

也此言其句曲如鳥羽也句有上下之殊周南云南有樛木毛傳云下曲曰樛說文與毛傳同釋文引韓詩作南有喬木毛傳云下曲曰樛說文與毛傳同釋文引周南云南有喬木毛傳云喬上曲也仰下文所云小枝上繆為喬也如木楸曰喬者禹貢云厥木惟喬木類多喬疎而楸榎梓皆為楸類故舉楸以槩其餘也如竹箭曰苞者小雅斯干云如竹苞矣今竹箭之屬皆叢生而穉密也如松柏曰茂者天保云如松柏之茂斯干云如松柏之屬細葉蠡蓋望之藹茂也如槐曰茂者槐葉細綠蠡枝成蓋故亦曰茂也註言亦扶疎茂盛○正義郭意以槐茂不見於經傳而其扶疎茂盛亦如松柏也監本脫亦字今從宋本

柷州木髦柔英註

皆未詳

正義柷本亦作祝祝州古音通見春秋傳州玉篇作柷云

木名也齊民要術引南方記云州樹野生三月花色仍連著實五月熟剥核滋味甜出武平州樹卽州木矣髦一名柔英未詳廣韻連引髦柔英於杞字下非也

槐棘醜喬註枝皆翹竦桑柳醜條註阿那垂條菜椹醜

菜註菜莧子聚生成房貌今江東亦呼菜菜椹似菜

莧而小赤色桃李醜核註子中有核人之生枝結實

各有其類也。槐棘醜喬。上文云如木椹曰喬椹樹小枝上線槐棘之類亦如椹而喬也秋官朝士掌外朝之法左九棘右九棘而三槐鄭註云樹棘以爲位者取其赤心而外刺象以赤心三刺也槐之言懷也懷來人於此欲與之謀案槐棘之屬歲久枝皆喬竦樹於外朝則喬木之間羣臣之位在焉然所謂故國者不在乎喬木而在乎世臣也推言其類則松柏之屬亦曰喬故鄭風云山有橋松釋文云橋本亦作

焉。桑柳醜條。說文云條小枝也。爾風七月云蠶
月條桑取彼斧斯以伐遠揚毛傳以爲桑之枝遠而
條揚也。南方蠶月急桑則剪其條。今猶古矣。柳條猗
猗故小雅采芣云楊柳依依凡桑柳之類皆曰條。
茶檄醜菜。說文云茶菜葉繫傳云茶性叢生如蒿
薇之屬非木也。故从艸。今通作椒。說文又云茶檄實
裏如表者。檄禮記謂之藪。鄭註內則云藪煎菜蕒也。
漢律會稽獻焉。爾雅謂之檄。孔疏引賀氏云今蜀郡
作之。九月九日取菜蕒折其枝連其實。廣長四五寸
一升實可和十升膏。名之藪也。離騷云檄又欲充夫
佩幃。玉逸云檄菜蕒也。似椒而非椒。喻似賢而非賢
也。椒檄之類皆有菜通作椒。上文云檄其實抹是其
類也。詩疏云棗謂椒之房。裏實者也。今椒實一裏之
內。唯有一實。時有二實者少耳。案今椒葉多實不盡
如孔疏所言也。桃李醜核。太平御覽引孫炎云
桃李之屬類皆有核。曲禮云賜果於君前其有核者
懷其核。菜蕒至赤色。正義詩疏引李巡云檄菜
蕒也。椒菜蕒皆有抹。抹實也。郭以菜爲實之房是也。

穀卽菜黃之小者廣雅謂之櫛亦謂之越椒。子中有核人。**正義**核中有仁後世所謂桃仁之類是也。人仁音義。同古通用。

瓜曰華之桃曰膽之棗李曰寔之櫛梨曰鑽之**註**皆啖

食治擇之名櫛似梨而酢澀見禮記**正義**此釋啖食

曰華之者鄭註曲禮云華中裂之不四析也孔穎達云謂半破也桃曰膽之者太平御覽引舊註云膽擇

取其美者孔穎達云桃多毛拭治去毛令色青滑如膽也或曰膽謂苦桃有若如膽者擇去之也棗李曰

寔之者初學記引孫炎云實之物多皮核優尊老可蒸裏云棗蒸栗擇鄭註果實之物多皮核優尊老可蒸裏

之也蒸擇互文是右者於棗李並有治擇去其本核也櫛梨曰鑽之者孔穎達云恐有蟲故一鑽看蟲

孔也**註**櫛似至禮記**正義**說文云櫛似梨而酢郭註與說文同故內則鄭註以爲梨之不滅者也王禎

農書云楮似小梨味劣於梨蜜煮則香美過之云見禮記者曲禮云爲天子制瓜者副之巾以絺爲國君者華之巾以綌內則云棗曰新之栗曰撰之桃曰臙之粗梨曰鑽之鄭註皆治擇之名也

小枝上繚爲喬註謂細枝皆翹繚上句者名爲喬木無

枝爲檄註檄權直上木族生爲灌註族叢正義此中

義也上文云上句曰喬此又言其細枝之翹繚也說文枝木別出條也木之喬者其小枝皆上疎也上文云梢椅擢此又言檄卽爲擢直上無旁枝所以異於喬也上文云灌木叢木此又言族生卽叢生也詩疏引孫炎云族叢也顏氏家訓書證篇釋爾雅云族亦叢生也嫌人不了故重言之

爾雅正義卷十五

爾雅正義卷第十六

大加閣校理翰林院編修加三級教習庶吉士充國史館纂修官邵晉涵撰集

爾雅第五

正義

月令謂春月其蟲鱗夏月其蟲

蟲介是蟲其總名大戴禮記易本命云有羽之蟲三百六十而鳳凰爲之長有毛之蟲三百六十

十而鱗鱗爲之長有甲之蟲三百六十而神龜爲之長有鱗之蟲三百六十而蛇龍爲之長

之蟲三百六十而聖人爲之長此統言萬物之數也聚其類分其羣則文子九守篇所云精氣

爲人粗氣爲蟲是也論衡云夫蟲風氣所生倉頡知之故凡蟲爲風之字取義於風故八日而

化生易本命及淮南地形訓俱云風生蟲蟲八日而化也考工記云外骨內骨卻行仄行連行

紆行以脰鳴者以胷鳴者謂之小蟲之屬古者博庶

物以刻畫爲器各象其形此篇所釋博其名也
八蜡有昆蟲之祭鄭康成謂昆明也得陽而出
得陰而藏之蟲也又謂昆蟲之災螟螽之屬故
此篇於食苗食葉之蟲分析其名蟲之中又各
有類鬼谷子權篇云介蟲之釋也必以堅厚螿
蟲之動也必以毒螿此篇於毒醜螽醜又各言
其類也

蝻天蝻

註

蝻蝻也夏小正曰蝻則鳴

正義

蝻一名天蝻月令孟夏之月蝻

蝻鳴釋文引蔡邕章句以蝻爲蝻蝻也高誘呂氏春
秋註淮南註並以爲蝻蝻本草云蝻蝻一名天蝻一
名蝻是也蝻蝻穴地而生立夏後夜鳴聲如蚯蚓王
逸九思云蝻蝻兮鳴東以爲陰類之蟲也**註**夏小至
則鳴○**正義**夏小正六月三月景則鳴蝻天蝻也是說
小正者與爾雅同也說文云蝻蝻蝻也爾雅云炙鼠
津姑蝻蝻蝻蝻蝻蝻蝻蝻蝻也廣異名也方言謂蝻蝻
或謂之天蝻釋本草者謂蝻蝻蝻蝻蝻蝻蝻蝻蝻又謂之

蠃蝓皆名同而實異也

蝓之類爲蠃蝓詳見下

蜚蠊

註

蜚卽負盤臭蟲

正義

蜚一名蠃蝓說文作盧

劉歆以爲負蟻也性不食穀食穀爲災介蟲之孽劉
向曰爲蜚色青近青雉也非中國所有南越盛暑男
女同川澤淫風所生爲蟲臭惡頗師古云蜚者中國
所有非南越之蜚未詳向所說案有蜚見於春秋經
傳而劉向迺云非中國所有頗師古駁之是也**註**蜚
卽至臭蟲○**正義**蜚又名負盤廣雅云負蟻也孔
穎達云本草曰蜚屬蟲也然則蜚是臭惡之蟲害人
衣物故春秋左氏傳曰有蜚不爲災亦不書也春秋
經傳皆云有蜚則此蟲名蜚一名蠃蝓而舍人李巡
皆云蠃蝓一名蠃非也此蟲一名負盤漢書及左傳
註多作負蟻以此下有草蟲負蟻故相涉誤耳今案
說文亦云蜚臭蟲負蟻也是蜚亦有負蟻之名也註
中蜚字監本作蠃今從
左傳疏所引郭註改正

蟻衝入耳

註

蚰蜒

正義

鄭註考工記云郤行蟻行之屬陸德明以爲此蟲能兩頭行是郤行

也蟻衝一名入耳又名蛤窮淮南說林訓云昌羊去蚤虱而來蛤窮高誘註云昌羊昌蒲蛤窮蝨蝨入耳之蟲也**註**蚰蜒○**正義**方言云蚰蜒自關而東謂之蟻蚤或謂之入耳或謂之蟻蠹趙魏之間或謂蚘蚘北燕謂之蚘蚘郭氏彼註云江東又呼蚤音鞏

蝟蝟

註

夏小正傳曰蝟蝟者五彩具蝟蝟

註夏小正

傳曰塘蝟者蝟俗呼爲胡蟬江南謂之塘蝟蝟蝟蝟

註

如蟬而小方言云有文者謂之蝟夏小正曰鳴蝟

虎懸蠶茅蝟

註

江東呼爲茅截似蟬而小青色蝟馬

蝟

註蝟中最大者爲馬蟬蝟寒蝟

註

寒蝟也似蟬而

小青色月令曰寒蟬鳴挺蚋蟻蟻註卽蜨螿也一名

蟪蛄齊人呼蟻蟻

正義此別蟬之類兼廣其異名也詩疏引舍人云皆蟬也方語不同

初學記引李巡云白蚋蟻以下皆分別五方之語而名不同也檀弓云蟬有綏鄭註綏爲蚋喙長在腹下故考工記謂之以旁鳴者古者人君燕食所加庶羞有蚋荀子大略篇云伏而不食者蟬也郭氏讀云物之清潔可貴唯蟬故爾雅釋之特詳○蚋螻蚋○蚋爲蟬之總名其翼有彩色者爲螻蚋小雅菀柳云鳴蚋鳴蟬毛傳蚋蟬也方言云蚋楚謂之蚋陳鄭之間謂之螻蚋秦晉之間謂之蟬○蟻蚋○蟻爲蚋之類也大雅蕩云如蚋如蟻毛傳蚋蟬也蟻蟻也爾風云五月鳴蚋毛傳蚋蟻也方言云蟻宋衛之間謂之蟻蚋蟻又名蟻詩疏引舍人云三輔以西爲蚋梁宋以東謂蚋爲蟻陸璣疏云蟻一名蟻蚋富山其狀相似其聲相混故得通其名矣詩釋文以蟻爲蟻屬○蚋蜻蜻○蚋之廣類而有文者名蚋一名蜻蜻衛風碩

人云螻首蛾眉鄭箋螻蜻蜻也疏引舍人云小蟬也
青青者某氏云鳴蚩蚩者案毛傳謂螻首類廣而方
孔穎達亦謂此蟲類廣而且方指其體之相似也。
蠶茅蚬。說文云蠶小蟬蚬也方言云蚬螻謂之蠶
蚬又云蟬其小者謂之麥蚩是茅蚬一名蠶爲蟬之
小者也。蚬馬蚬。夏蟬之大者名蚬一名馬蚬方
言云海岱之間謂之蚬其大者謂之螻或謂之蚬馬
郭氏彼註云按爾雅蚬者馬蚬非別名蚬馬也此方
言誤耳案說文亦云蚬馬蚬也。蛻寒蚬。寒蚬卽
寒蟬也夏小正云七月寒蟬鳴蟬也者蛻蝶也寒蟬
一名蛻方言云大而黑者謂之蛻黑而赤者謂之蛻
說文云蛻寒蚬也方言又云蛻謂之寒蚬介池嶽間
人呼秋蟬爲寒蛻子。蛻蚩蛻。蛻蚩一名蛻鹿
蟬之屬也方言云蛻蚩齊謂之蛻蛻楚謂之蛻蚩或
謂之蛻蚩秦謂之蛻蚩自關而東謂之蛻蚩或謂之
蛻蚩或謂之蛻蚩西楚與秦通名也案方言以蛻蚩
與蟬分爲二類說文云蛻鹿蛻蛻也蛻蚩蛻蛻也蛻
蛻蚩屬是皆蛻鹿之別名其爲蛻屬則一也詩疏

引舍人云楚地謂之蟪蛄楚詞云蟪蛄鳴兮啾啾是也。是舍人以蟪蛄卽蟬矣。詩疏又引陸璣疏云青徐謂之蟪蛄。夏小至彩具。正義夏小正云五月良蟪鳴良蟪也者。五彩具初學記引孫炎註亦云。蜋五色具也。案夏小正舊不分經傳。郭註釋草引夏小正曰。蒿也者。莎蒲媿者。其實亦不稱爲傳。附書經籍志謂戴德作傳未之詳也。郭氏此云夏小正傳是晉初卽有分經傳者矣。宋傳崧卿夏小正本分晰經傳本於郭氏也。夏小至蟪蛄。正義夏小正云五月唐蟪鳴唐蟪者。區也。又云區之興五日翁望乃伏。其不言生而稱興何也。不知其生之時。故曰興以其興也。故言之興五日翁也。望也者。月之望也。而伏云者。不知其死也。故謂之伏五日也。者。十五日也。翁也者。合也。伏也者。入而不見也。案論衡無形篇。蟪化而爲復育。復育轉而爲蟬。蟬生兩翼。不類。蟪是蟬以化轉而生。故小正云不知其生之時也。十五日而合十五日。而伏卽淮南說林訓所云。蟪三十日而蛻也。郭又云俗呼爲胡蟬。江南謂之蟪蛄者。方言註云。今胡

蟬也似蟬而小鳴聲清亮江南呼蟬螿義同。如蟬至虎懸。**正義**詩釋文引王肅云螿似蟬而小詩疏引孫炎云方言曰有文者謂之螿與郭註同案今本方言作有文者謂之螿螿其雌螿謂之少郭又引夏小正曰鳴螿虎懸者今本夏小正云四月鳴札札也者寧縣也鳴而後知之故先鳴而後札。江東至青色。**正義**郭氏方言註云河東呼爲螿螿又云如蟬而小今關西呼麥螿。蟬中至馬蟬。**正義**羅願云今夏中鳴者比衆蟬最大。寒螿至蟬鳴。**正義**寒螿一名寒螿文子上德篇云寒螿得木依其所生也案本草謂蚱蟬生楊柳上故以得木爲依所生矣月令孟秋之月寒蟬鳴鄭註寒蟬寒螿謂蛻也文選註引蔡邕章句云寒蟬應陰而鳴鳴則天涼故謂之寒蟬高誘淮南註云寒蟬青蟬也蟲陰類感氣鳴也方言又以寒螿爲瘖螿蓋此蟲不鳴於夏故謂之瘖螿得秋露之潤乃鼓翼而鳴耳禮記疏引郭註青色作青赤。卽蛻至螿螿。**正義**莊子逍遙遊云螿站不知春秋釋文引司馬彪云惠姑寒螿也一名螿勞春

生夏死夏生秋死崔譔云蛸螿也或曰山蟬秋鳴者不及春春鳴者不及秋高誘註淮南道應訓云螿蛸蛸也廣雅云螿蛸蛸蛸也郭註方

蛸蛸

蛸

黑甲蟲噉糞土

正義

蛸蛸一名蛸蛸戴侗云甲蟲之巨者黑甲甲下

有翅飛鳴洪洪然好轉牛矢爲丸俗亦謂之矢丸案廣雅云天社蛸蛸也說文則以渠蟬一曰天社蓋以蛸蛸似蜉蝣而名同也**註**黑甲至糞土。**正義**古今註云蛸蛸能以土包糞轉而成丸莊周所謂蛸蛸之智在於轉丸一名蛸蛸一名蛸蛸一名弄丸一名轉丸

蛸蛸

木中蠹蟲

正義

蛸爲蝥蟻之在木中者說文作蛸蛸也詳見下**註**木中蠹蟲

正義左傳疏引李巡云蛸木蟲也詩疏引孫炎云蛸木蟲也郭氏本李孫爲義下文云蛸桑蠹是也

蟻齧桑

註似天牛長角體有白點喜齧桑樹作孔入其

中江東呼爲齧髮

正義

蟻一名齧桑卽桑蠹之類也玉篇以蟻爲齧桑蠹淮南道應訓

云猶黃鵠與蟻蟲也蟻蟲能緣木上下而飛騰不遠視高飛之黃鵠其大小固不可比量矣

註

似天至齧

髮。**正義**戴侗云俗謂天牛亦謂桑羊盧黑而白駁此蟲似之也

諸慮奚相

註

未詳

正義

釋文云慮本或作噓相舍人本作桑案奚桑次於齧桑蓋以類相從

者矣或以諸慮爲蚊非也

蜉蝣渠略

註

似蛄蟻身陝而長有角黃黑色叢生糞上

中朝生暮死豬好啖之

正義

詩疏引舍人云蜉蝣一名渠畧南陽以東曰蜉蝣渠畧

宋之間曰渠畧孫炎云夏小正云蜉蝣渠畧也朝生而暮死案夏小正云五月浮游有殷殷衆也浮游殷之時也浮游也者渠畧也朝生而暮死稱有何也有見也曹風云蜉蝣之羽衣裳楚楚說文作衣裳黼黻

云會五彩鮮色也。蜉蝣帶甲有似衣裳厥色黃黑似
采色之會故詩謂之黼黻矣。大戴禮記易本命云蜉
蝣不飲不食淮南詮言訓云龜三千歲蜉蝣不過三
日以蜉蝣而爲龜憂養生之具人必笑之矣。方言云
蜉蝣秦晉之間謂之蜉蝣說文云蜉蝣也。一日蜉
蝣朝生暮死者玉篇作蜉蝣。果蠹皆聲近而字體遞
變也。註似蛄至啖之。正義詩疏引陸璣疏云蜉蝣
方土語也。通謂之渠略似甲蟲有角大如指長三四
寸甲下有翅能飛夏月陰雨時地中出今人燒炙噉
之美如蟬也。樊光謂之糞中蠹蟲隨陰雨時爲之朝
生而夕死。案郭氏方言註云似天牛而小
有甲角出糞土中朝生夕死與此註畧同。

蚻蟻

甲蟲也大如虎豆綠色今江東呼黃蚻

正義
蚻一

名蚻蟻說文作蚻蟻考工記云以翼鳴者鄭註以
爲發黃之屬也。蚻通作蟻又轉作發蟻省作黃其音
義同也。註甲蟲至黃蚻。正義御覽引孫炎云翼在
甲裏凡甲蟲之能飛者皆甲下有翅也。衆經音義引

爾雅註作江南呼為黃瓦疑傳寫之訛
郭引時諺以蚊一名黃蜚與鄭讀異

蠶輿父守瓜**註**今瓜中黃甲小蟲喜食瓜葉故名守瓜

正義蠶一名輿父一名守瓜說文云蠶蟲也玉篇云

蠶食瓜蟲莊子至樂篇魯生乎腐蠶釋文引司馬

彪云蠶蟲名爾雅云一名守瓜一名忿鼠**註**今瓜至

守瓜。**正義**張湛列子註云謂瓜中黃甲蟲也與郭

註同戴侗云瓜

蠶狀似螢火

蝮虻**註**蝮虻蝮蝮類**正義**蝮一名蝮虻方言云蝮詣

之蝮蛉南楚謂之杜狗或謂之蝮虻

舊疏云蝮及蝮虻亦蝮蝮之別名耳

不蜩王蚊**註**未詳**正義**玉篇以蚊為蜩蟪

謂之不蜩所未詳也

蛄蝻強蟬**註**今米穀中蠹小黑蟲是也建平人呼為蟬

子 **正義** 姑蜃一名強蜉說文作姑蜃強蜉也今米中
蟲多隨米色而變黑甲者能蓄人或糶米作繭米
廩中有之耗米玉篇作姑蜃米中蠶也 **註** 今米至蜉
子 **正義** 方言云姑蜃謂之強蜉郭氏彼註云米中
小黑甲蟲也江東謂之蜃音加建平人呼蜉子音芊
芊卽姓也案今俗呼米中黑蟲爲揚甲亦呼揚子疑
芊誤爲芊又音轉爲揚子也

不過螿蟻 **註** 螿蟻塘蝦別名其子蟬蛸 **註** 一名蟬蟪螿

蟻卵也

正義 此廣螿蝦之異名及其子之名也禮記

云螿蟻螿蝦一名不蠅李巡云其子名蟬蛸卽蟬蛸
案說文云蟬蟻不過也蟬蛸堂蝦子木爾雅爲義也
月令云小暑至螿蝦生鄭註蟬蛸母也太平御覽引
蔡邕章句云蟲名食蟬殺蟲逐周書時則解云芒種
之日螿蝦生螿蝦不生是謂陰息通卦驗作夏至螿
蝦生是螿蝦感陰氣而生故能殺蟲也下文云莫豨

螳螂蟬卽螳螂也藝文類聚云王瓚問曰爾雅莫豸
螳螂同類物也今沛魯以南謂之螳螂三河之域謂
之螳螂燕趙之際謂之食鹿齊濟以東謂之馬敦然
名其子則同云螳螂是以註云螳螂螳螂母也此蓋
鄭志之文禮記疏引作方言疑傳寫之訛註一名至
那也○正義陶註本草云螳螂逢樹便產以桑上者
爲好是兼得桑皮之津氣也證類本草云螳螂在處
有之螳螂卵也多在小桑樹上叢荆棘間三四月中
一枝出
數百枚

蒺藜螂蛆

註

似蝗而大腹長角能食蛇膾

正義

蒺藜一

齊物論云螂蛆甘帶釋文引司馬彪云帶小蛇也螂
蛆好食其眼淮南說林訓云騰蛇游霧而殆於螂蛆
螂蛆能斃大蛇不獨食小蛇之膾矣太平御覽引春
秋考異郵云上勝水故螂蛆搏蛇宋均以爲螂蛆生
於土蛇藏物屬於坎坎爲水爲隱伏也王逸九思云
螂蛆兮穰穰註云將變貌螂蛆至秋而變也今螂蛆

狀若水蝦小者一寸大至一丈尾有光山中大蛇自斃者皆爲其所殆蛇腐後復化螂蛆關尹子三極篇云螂蛆食蛇蛇食蛙蛙食螂蛆互相食也龍似蝗至蛇腦○正義廣雅云螂蛆蜈蚣也衆經音義引字林云蜈蚣也玉篇廣韻並以爲蜈蚣矣今螂蛆爲蜈蚣之屬而非蜈蚣也高誘淮南註云螂蛆蟋蟀也爾雅謂之蜻蛉上蛇蛇不敢動案今捕蟋蟀者多於蛇穴其氣能制蛇然以爲卽螂蛆則非也

蝮蝮

註

蝗子未有翅者外傳曰蟲舍蜺蝮

正義

左傳疏引李巡

云蝮蝮一名蛛蝮蝗子也漢書五行志引董仲舒劉向說並以爲蝗始生也春秋宣十五年冬蝮生杜預謂蝮子以冬而生遇寒而死故公羊傳云幸之也註蝗子至蜺蝮○正義郭以蝗始生者皆不生翅申言蝗子之狀也說文引劉歆說蝮復陶也蚘子五行志引劉歆說則以爲蚘子之有翼者食穀爲災孔穎達以劉歆說爲非也外傳曰蟲舍蜺蝮者魯語里革諫宣公之詞韋昭註蝮復陶也可食祭統云陸產之

臨鄭註以爲
蛭蛛之屬

蟋蟀

今促織也亦名青蛩

正義

詩疏引李巡云蜚

禮記疏引孫炎云蜻蛚也梁國謂蜚說文作悉蜚考
工記云以注鳴鄭註以爲精列之屬也蟋蟀微蟲而
可以趨民務故古者多取以紀時侯焉月令云季夏
之月蟋蟀居壁逸周書時訓訓云蟋蟀不居墜急迫
之暴孔穎達云此物生在於土中至季夏羽翼稍成
未能遠飛但居其壁至七月則能遠飛在野此言其
生成之漸也易通卦驗云立秋蜻蛚鳴鄭註蜻蛚蟋
蟀之名也此紀其鳴之時也唐風云蟋蟀在堂毛傳
蟋蟀蜚也九月在堂幽風云十月蟋蟀入我牀下此
言其因寒而漸近人也蟋蟀易識之物禮記疏引蔡
氏說以爲斯螽太平御覽引毛詩義問云蟋蟀食蠅
而化成高誘淮南註以蟋蟀爲螂蛆皆異說不可從
註今促至青蛩○**正義**方言云蜻蛚楚謂之蟋蟀或
謂之蜚南楚之間謂之蛭孫郭氏彼註云卽趨織也

梁國呼蚤詩疏引陸璣疏云蟋蟀似蝗而小正黑有光澤如漆有角翅一名蚤一名蜻蛚楚人謂之王孫幽州人謂之趨織里語曰趨織鳴嫩婦驚是也

蟹

註

蛙類

正義

玉篇云蟹蝦蟇也月令孟夏之月蟻

高誘淮南註云蝸蝦蟇也四月陰氣始動於下故鳴秋官蝸氏掌去鼃鼃鄭註云齊魯之間謂鼃為蝸蝸與耿鼃尤怒鳴為聒人耳故去之案蟾諸及耿鼃俱見釋魚蟹為蛙類見於此篇者以蟲魚之類有相通者也

蝦

註

馬蠲蚶俗呼馬蠲

正義

蝦一名馬蠲又名馬蠲說文云蠲馬蠲也明堂

月令云府草為蠲呂氏春秋作府草為蚶是馬蠲又名蚶又名馬蚶又名商蚶文子上德篇若蚶之足衆而不相害莊子秋水篇云夔憐蚶蚶憐蛇釋文引司馬彪云蚶馬蚶蟲也夔一足蚶多足蛇無足莊子又

云使商虻馳河必不勝任矣司馬彪云商虻蟲名北燕謂之馬虻淮南記論訓云虻足衆而走不若蛇高誘謂馬虻一名螢火非也博物志云馬虻一名百足中斷則首尾異行而去是矣註馬獨至馬虻○正義方言云馬虻北燕謂之蛆蝶其大者謂之馬虻郭氏彼註虻音逐今關西云廣雅云蛆渠馬虻馬虻也

鼠蝨

註

詩曰趨趨鼠蝨草蝨負羸

註

詩云嘔嘔草蝨

謂常羊也蝨蝨蜈蚣註蜈蚣也俗呼春黍螿蝨蜈蚣

註

今俗呼似蜈蚣而細長飛翅作聲者爲蜈蚣土蝨

蝨

註

似蝗而小今謂之土蝨

正義

左傳疏引李巡云皆分別蝗子異方

之語也○鼠蝨蝨○鼠蝨一名羸爲蝨之總名春秋桓五年蝨杜預云蜈蚣之屬爲災蓋舉其類言之漢書五行志註云鼠蝨今之蝗蝨也詩疏引李巡云蝗子也陸璣疏云今人謂蝗子爲蝨子兖州人謂之蝨

許慎云蝗蝻也蔡邕云蝻蝗也明一物○草蝻負蟻
○蝻之在草中者爲草蝻一名負蟻說文云蟻負蟻
也名南鄭箋云草蝻鳴阜蝻躍而從之異種同類小
雅箋又云草蝻鳴晚秋之時也詩釋文引陸璣疏云
一名負蟻大小長短如蝗而青也詩疏引陸璣云奇
音青色好在茅草中○蝻蝻蝻蝻○似草蝻而大夏
以股鳴者爲蝻蝻木亦作斯蝻一名蝻蝻考工記云
以股鳴鄭註謂蝻蝻動股屬幽風云五月斯蝻動股
毛傳斯蝻蝻蝻也周南云蝻斯羽說詩毛傳蝻斯
蝻蝻也是斯蝻蝻斯互言之實一物也鄭箋云凡物
有陰陽情慾者無不如此維蝻蝻不耳疏引陸璣云
幽州人謂之春箕春箕卽春黍蝗類也長而青長角
長股股鳴者也或謂似蝗而小疏黑其股似螻蛄又
五月中以兩股相切作聲聞數十步是也○蝻蝻蝻
蝻○似斯蝻而細長者爲蝻蝻一名蝻蝻左傳疏引
樊光云蝻蝻土蝻皆蝻蝻之屬○土蝻蝻蝻○蝻之
生於土中者爲土蝻青色善躍南方稻隴中時有之
不爲異也多則爲災

註詩日至羊也○**正義**名南草

蟲小雅出車並云嘍嘍草蟲趨趨阜螽鄭康成以爲
鳴躍之相應其天性然也毛傳云草蟲常羊也負螯
螯也郭註木毛傳阜當從毛詩作阜○蠃蟻至春黍
○正義詩疏引舍人云蠃蟻卽今所謂春黍也方言
云春黍謂之蠃蟻郭氏彼註云又名蠃蟻○今俗至
蟻蟻○正義蠃蟻長翅而能飛漢書五行傳所謂介
蟲有甲能蜚揚之類也○似蝗至上蝶○正義釋文
云蝶字又作虻虻蟻也善跳今虻蟻生土中躍起不
過尺許故謂之土螽郭註方言
以虻蟻爲虻蟻蓋舉類言之也

蝻

蝻

卽蝻蝻也江東呼寒蝻

正義

蝻蝻一名蝻

蝻側行者月令孟夏之月蝻蝻出仲冬之月蝻蝻結
疏引蔡邕章句云結猶屈也蝻蝻出穴屈首下嚮陽
氣氣動則宛而上首故其結而屈也通卦驗云芒種
蝻蝻出鄭康成註云舊說蝻蝻淫邪按太平御覽引
郭氏讚云蝻蝻土精無心之蟲交不以分婦於阜螽
觸而感物無有常雄是也大戴禮記易本命云食土

者無心而不息盧辨註云蚯蚓之屬趙岐孟子註云
蚓食土伏泉極廉矣然無心無識皆以蚓爲無心之
蟲也荀子勸學篇則云蚯蚓無爪牙之利筋骨之彈上
食埃土下飲黃泉用心一也蟹六跪而二螯非蛇蟻
之穴無所寄託者用心躁也是蚓非無心者矣太元
鏡之初六云蟹之郭索後蚓黃泉淵曰蟹之郭索心
不一也本荀子爲義註卽蟹至寒蚓○正義廣雅云
蝮蝮蚯蚓也寒蚓釋文本作蟻蚓吳普本草謂之附
蚓今人謂
之曲蚓

莫豹蟪蝮

註

蟪蝮有斧蟲江東呼爲石蝮孫叔然以

方言說此義亦不了

正義

上文云不過蟪蝮此又廣
其名也蟪蝮一名莫豹又名蟪

蝮又名蟪詳見上文

註

蟪蝮至不了○**正義**蟪蝮有

斧蟲者高誘淮南註云蟪蝮世謂之天馬一名鼈

赬

兖豫謂之巨斧也蟪蝮有臂如斧故又謂之巨斧莊

子人間世云女不知夫蟪蝮乎怒其臂以當車轍不

知不勝任也韓詩外傳云齊莊公出獵有螳螂舉足將搏其輪螳螂二臂四足共搏輪者臂也云江東呼爲石碾者郭註方言云江東呼爲石碾陶註本草亦云俗呼石碾也云孫叔然以方言說此義亦不了者方言云螳螂謂之髦或謂之蚘或謂之蚌蚌孫叔然據方言此文取下文蚘字上屬郭氏所不從也說文作丁螳負勞則蚘字不應上屬矣

蚘負勞

或曰卽蜻蛉也江東呼狐梨所未聞

正義 蚘

一名負勞郭氏引舊說以爲卽蜻蛉也淮南齊俗訓云水蕒爲螳惹高誘註云青蛉也說林訓云水蕒爲螳註云水蕒化爲螳螳青蚘也案蜻蛉生於水中多飛水上羅願謂附物施卵仍爲水蕒也**註**江東至未聞**正義**方言云蜻蛉謂之蚘蚘郭氏彼註云六足四翼蟲也江東名爲狐梨淮南呼蝶蚘釋文引字林云蜻蛉一名桑根高誘呂覽註云蜻蛉細腰四翅一名白宿皆異名也郭引舊說仍疑未能定故云未聞

蝮毛蠹

註卽載

正義

蝮一名毛蠹說文作蝮毛蠹也戴
例云此乃蠹食腐鱗者

說文云載毛蟲也釋文云今俗呼毛載有毒螫人楚辭云載緣兮我裳案釋文所引王逸九思之詞也

螺蛄

註

載屬也今青州人呼載爲蛄螫孫叔然云八

角螫蟲失之

正義

螺一名蛄螫說文作蛄斯墨也木草別錄云雀襲生樹枝間蛄螫房也陶

註云蛄螫蝨蟲也其背毛螫人陳藏器云蝨蟲好在果樹上大小如蠶身面背上有五色斑文毛有毒能

螫人欲老者口吐白汁凝聚如雀卵其蟲以麩爲藪在中成蛹夏月羽化而蟻生於葉間如蠶子

至失之。**正義**郭氏據時驗定爲載屬孫叔然謂八角螫蟲郭氏所不從也說文云螫蟲出行毒也

蟠鼠負

註瓮器底蟲

正義

蟠一名鼠負說文云蟠鼠婦也又云蟠威委黍委黍鼠婦是下

文所云蟠威委黍與此爲一物也幽風東山云伊威在室鄭箋以爲室無人有此物也本草云鼠負一名

古字通用爾雅本草謂之濕生蟲註瓮器底蟲正

義詩疏引陸璣疏云伊威一名委黍一名鼠婦在壁

根下爽底土中生似白魚者是也玉篇云雌鼠婦

案雌蟲本草謂之地鼈與鼠婦狀相似是其類也

蟬白魚註

衣書中蟲一名蚶魚正義蟬一名白魚木草

云蠹書於羽陵郭氏彼註云暴書蠹蟲因曰蠹書也

詩疏引陸璣疏云蘭香草可著粉中藏衣著書中辟

白魚是衣書中蟲俱名白魚也註一名蚶魚正義

廣雅云白魚蚶魚也鄭註秋官翦氏又謂之蠹魚

蜚羅註

正義蜚一名羅說文云蜚蠶化飛蟲大戴

無形篇蠶食桑老績而為繭繭又化而為蛾蛾有兩

翼變去蠶形案蜚為蠶之再變者也註蠶蠶正義

說文云蠶吐絲蟲埤雅引孫炎云蛾即是雄羅即是

雌蓋孫炎正義之文也案今人育蠶子者亦取蠶蛾

相匹謂之對蛾荀子蠶賦所云有父母而無牝牡者言爲蠶之時未有牝牡也至化爲蛾則有雌雄矣蛾卽爲羅以聲轉而有二名猶釋草以莪爲蘿也孫炎正義迺欲以蠶羅分別雌雄殊爲穿鑿

翰天雞

註

小蟲黑身赤頭一名莎雞又曰枹雞

正義翰

雞卽莎雞也剛風七月云六月莎雞振羽毛傳莎雞羽成而振訊之疏引李巡云一名酸雞陸璣疏云莎雞如蝗而斑色毛翅數重其翅正赤或謂之天雞六月中飛而振羽索索作聲幽州人謂之蒲錯案莎雞翅分兩重外灰色而內深紅五色皆具太平御覽引廣志云莎雞似蠶蛾而五色赤曰攀雞是也監本翰作翰註小蟲至枹雞。**正義**太平御覽引孫炎云小蟲黑身赤頭一名莎雞廣雅云枹鳴枹雞也是郭註所本也

傅負版

註

未詳

正義

傅一名負版柳宗元蝥蝥傳云蝥蝥者善負小蟲也行遇物輒持取昂其

首負之背逾重雖困劇不止也其背甚濕物積因不散卒頭仆不能起人或憐之為去其負苟能行又持取如故又好上高極其力不止至墜地死案宗元所說似寓言然負重之蟲所在有之特未聞有負版之

名耳玉篇云蠟螬螻也則當云傳負一名蠟

强蛭**註** 即强醜摗 **正義** 强一名蛭玉篇云强米中蠱小蟲也是即上文所謂蚘蟻强蟬矣郭

又引下文强醜埒為證也

蛭**何****註** 未詳 **正義** 蛭一名螭何說文作商何玉篇作蛭何也又云蚘蠟蛭蛭集韻引爾雅

蛭螭何以為蛭蛭之類也

蛄**註** 蛄 **正義** 蛄一名蛄說文云蛄蛄蟲也玉篇云蛄蛄老蛄也案蛄老成蛄蛄在蛄中荷子蟻

賦云蛄以為母蟻以為父此五舉言之言蛄破蛄而為蟻蟻生蛄子耳卑雅引孫炎正義云蛄即是蟻蛄

卽是雌謂蛹有雌雄非所問也

蜺縊女

註 小黑蟲赤頭喜自經死故曰縊女

正義 蜺一名縊女太

平御覽引孫炎云小黑蟲赤頭三輔謂之縊女此蟲多民多縊死又引異苑云縊女蟲也一名蜺長寸許頭赤身赤恒吐絲自懸六書故引說文蜀本云化為蝶是也

蚍蜉大螳

註

俗呼爲馬蚍蜉小者螳齊人呼螳爲蚍

蠶打螳

註

赤馭蚍蜉蠶飛螳**註** 有翅其子蚍蜉蚍蟻

卵周禮曰蜃蚍醬

正義

此別螳之類也。蚍蜉大螳小者螳。說文云蠶蠶大螳也或

作蚍蜉詩疏引舍人云蚍蜉卽大螳也小者卽名螳也夏小正云十有二月元駒賁元駒也者螳也賁者走於地中也學記云蚍蜉子時術之鄭註云蚍蜉也蚍蜉之子微蟲耳時術蚍蜉之所爲其功乃復成大

垤淮南修務訓云螿知爲蛭幽風東山云鶴鳴于垤
文選註引韓詩云巢居知風穴居知雨天將雨蟻出
壅土鶴鳥見之長鳴而喜論衡商蟲篇云天將雨螿
出螿蜚爲與氣相應也釋文云螿本作蟻俗作蟻字
音同。蠶打螿。赤色之螿名蠶一名打螿山海經
所謂朱蟻其狀如螿也戴侗云蛆蟻狀如蠶蟻化而
羽能整人爾雅所謂丁蟻也。蠶飛螿。螿之所化也以泥
者名蠶一名飛螿羅願云柱中白螿之所化也以泥
爲房詰屈而上往往變化生羽遇天晏溫羣隊而出
飛亦不能高尋則脫翼籍籍在地而死。其子螿。
螿之子名蜺夏小正云二月抵蜺抵猶推也。蜺螿卵
也爲祭醢也取之則必推之推之不必取故言推而
不言取魯語云蠶舍蜺蜺草昭註云蜺螿子也可以
爲醢。**註**俗呼至蚘蚘。**正義**今蟻之大者俗呼爲馬
蟻。齊人至爲蚘。蚘齊魯之間謂之元蚘燕謂之蚘蚘其腸
之蚘螿西南梁益之間謂之元蚘燕謂之蚘蚘其腸
謂之蚘或謂之垤釋文引字林云北燕人謂蚘蚘曰
蚘義本方言郭云齊人呼螿爲蚘各以方俗語爲驗

也。周禮至蜺醬。正義天官醢人饋食之豆有
蜺蜺醢。鄭註蜺蜺子。是也。醢爲肉醬。故此云醬。

次蜚蠊。蠊蠊蠊。蠊蠊蠊。今江東呼蝮蠊。土蠊蠊。註在地

中布網者草蠊蠊。註絡幕草上者。正義此別蜘蛛之
名及其種類也。

次蜚至蠊。蠊。方音云蠊蠊蠊蠊也。自關而西秦晉
之間謂之蠊。蠊自關而東。趙魏之郊謂之蠊。蠊或謂
之蠊。蠊蠊蠊者。休僑語之轉也。北燕朝鮮河水之間
謂之蠊。蠊說文云蠊蠊蠊也。或作蜘蛛。又云蠊蠊作
罔。蛛蠊也。蠊蠊卽次蠊之異文也。蜘蛛布網以背飛
蟲。故抱朴子謂太昊師蜘蛛而結網。春秋二時蜘蛛
吐游絲。或至數丈。太元務次五云蜘蛛之務不如蠊
之。翰測曰蜘蛛之務無益人也。土蠊蠊。蜘蛛在
土中者爲土蜘蛛。陳藏器所謂孔穴中作網。間一門
出入者也。或以爲卽下文蛛蟻。按蛛蟻似蜘蛛耳。非
卽蜘蛛也。詳見下。草蠊蠊。蜘蛛之在草上者名
草蜘蛛。太平御覽引廣志云草蜘蛛在草上色青土

蜘蛛在地上春行草間索索聲也。註今江至蝦螿。

正義

郭註

方言云今江東呼蝦螿螿齊人又呼社公亦

工。土蠹。註今江東大蠹在地中作房者爲土蠹啖其子卽

馬蠹今荆巴間呼爲壇木蠹。註似土蠹而小在樹上

作房江東亦呼爲木蠹又食其子。正義此別蠹之類也。說文云蠹飛蟲

螿人者左氏僖二十二年傳云蠹有有毒蠹類甚多而皆能螿人又皆可釀蜜故說文以蜜爲蠹甘節也

在地中者名土蠹莊子庚桑楚云奔蜂不能化藿蠹釋文引司馬彪註奔蜂一曰土蜂也其在樹上者名

木蠹。註今江至爲蠹。正義陳藏器本草註云土蜂穴若作房赤黑色最大螿人至死亦能釀蜜其子亦

大而自案蠹子可食故內則謂蜂爲范也。檀弓云范則冠孔疏謂蜂頭上有物似冠也。上蠹卽馬蠹荆巴

間呼爲蛭廣異名也。似土至其子。正義羅願云
今土木之蠶亦各有窠北方地燥多在土中故多土
窠南方地濕多在木中故
多木窠木蠶子亦可食也

蟻蟻

註

在糞土中蟻蟻

註

在木中今雖通名爲蟻

所在異

正義

此別蟻之異名也。蟻蟻蟻。蟻之在
於土中者名蟻一名蟻蟻。莊子至樂篇云烏

足之根爲蟻蟻其葉爲胡蝶釋文引司馬彪云烏足
草名生水邊蟻蟻也胡蝶蛭蝶也草化爲蟲蟲化
爲草末始有極太平御覽引陸璣疏云蟻蟻生糞土
中博物志云蟻蟻以背行駛於用足也。蟻蟻蟻。
蟻之在木中者名蟻蟻風頑人云領如蟻蟻毛傳
蟻蟻蟻也孔疏云以在木中白而長故以比頸方
言云蟻蟻謂之蟻自闕而東謂之蟻蟻或謂之卷蟻
或謂之蟻蟻梁益之間謂之蟻或謂之蟻或謂之蟻
蟻秦晉之間謂之蟻或謂之天蟻四方異語而通者
也詩疏引孫炎云蟻蟻謂之蟻蟻關東謂之蟻蟻梁

蓋之間謂之蝎木方言為義也此卽上文所云蝎堀下文又云蝎桑蠹也

蚘威委黍註

舊說鼠婦別名然所未詳

正義詩疏引舍人云伊威名委

黍案說文云委黍鼠婦是委黍為鼠婦別名無可疑也上文云蟠鼠負詳見上

蠨蛸長踦註

小鼯鼯長脚者俗呼為喜子

正義詩疏引舍人云蠨蛸

名長踦說文云蠨蛸長股者關風東山云蠨蛸在戶疏引陸璣疏云蠨蛸長踦一名長脚荆州河內人謂之喜母此蟲著人衣常有親客至有喜也幽州人謂之親客亦如蜘蛛為羅網居之是也
註小鼯至喜子
正義太平御覽引劉芳詩義笈云蠨蛸小蜘蛛長脚者俗呼為喜子與郭註同玉篇亦云蠨蛸喜子今

俗語 猶然

蛭蟪至掌註

未詳

正義本草云水蛭一名至掌是蛭蟪卽釋魚所謂蛭蟪也蛭為水族而互

見於釋蟲者蛭之類有草蛭在溪山草中有石蛭生石上有泥蛭生泥中是爲蟲類論衡南蟲篇云下地之澤其蟲曰蛭蛭食人足亦以蛭爲蟲也詳見釋魚

國貉蟲

註

今呼蝻蟲爲蠶廣雅云土蝻蠶蟲

正義

國

蠶蠶說文云蠶知聲蟲也玉篇云蠶禹蟲也

註今呼至蠶蟲○**正義**廣雅云土蝻蠶蟲也郭氏又以時驗

爲證也蠶說文亦作蝻

蝻

註

今蝻

正義

蝻一名蝻蝻考工記謂之斤蝻鄭註屈蟲也繫辭傳云尺蝻之屈以

求伸也說文云尺蝻屈伸蟲也郭氏讚云貴有可賤賤有不珍嗟茲尺蝻體此屈伸論說龍蛇見數聖人

註

今蝻

○**正義**

方言云墳蝻謂之蝻蝻郭氏彼註云又呼步屈廣雅云尺蝻墳蝻也衆經音義引舍人

云朱地日尋桑也又引纂文云吳人以步屈名桑園一名蝻蝻太平御覽引郭氏云尺蝻有呼步屈其色

青而細小或在草木葉上今螺贏所負以爲子者蓋郭氏音義之文也今屈伸蟲多在桑樹上色青而小其在他草木上者隨所食而變故晏子春秋謂尺蠖食黃卽身黃食蒼卽身蒼也

果蠃蒲盧

註

卽細腰蠶也俗呼爲蠓蠃螟蛉桑蟲

註

俗

謂之桑蠶亦曰戎女

正義

小雅小宛云螟蛉有子果蠃負之此釋之也鄭箋云蒲盧

取桑蟲之子負持而去煦如養之以成其子鄭註中庸亦云蒲盧螟蠃謂土蜂也蒲盧取桑蟲之子去而變化之以成爲己子也詩疏引陸璣云螟蛉者桑上小青蟲也似步扁其色青而細小或在草葉上螺贏土蜂也似蜂而小腰取桑蟲負之於木空中七日而化爲其子案說果蠃者舊無異說陶宏景註本草云今一種蜂黑色腰甚細銜泥於人屋及器物邊作房如併竹管者是也其生子如粟米大置中乃捕取草上青蜘蛛十餘枚滿中仍塞口以待其子大爲糧也其一種入蘆管中者亦取草上青蟲以舊說變成

己子爲謬蘇頌云物類變化固不可度如陶所說卵如粟者未必非祝蟲而成之者也案法言學行篇云螟蠹之子登逢螺麻祝之曰類我類我久則肖之矣揚雄所說卽詩教誨爾子式教似之之義合諸莊子淮南則知化生之說不可易矣註卽細至螻蛄也正義卽細腰蠹者說文云螻蠹蒲蘆細要土蠹也天地之性細要純雄無子莊子天運篇云細要者化釋文引司馬彪云取青蟲子祝使似之也淮南說山訓云貞蟲之動以毒螫高誘註云貞蟲細要蜂蝶之屬無牝牡之合曰貞有毒故能螫是皆果蠹無牝牡之證旣無牝牡則其子爲他蟲化成無可疑矣郭又云俗呼爲螻蛄者方言云蠹燕趙之間謂之螻蛄其小者謂之螻蛄郭氏彼註云小細腰蠹也。俗謂至戎女。正義郭註山海經云蒲蘆螟蛉也蓋以螟蛉能化蒲蘆故得象其名矣俗謂之桑螟者玉篇云螟螟蛉蟲也亦曰戎女者廣異名

蝓桑蠹

註卽蝓蝓

正義

說文云蠹木中蟲文子云木生蠹反自食淮南說林訓云蠹衆則木

折上文云蝎蝓蝓通言未中之蠶此言桑木之蠶亦
名爲蝎論衡商蟲篇云桂有蠶桑有蝎是也

註卽蝓

蝓。正義詩疏引孫炎云卽蝓蝓也郭註本孫炎

螢火卽炤註夜飛腹下有火

正義螢火一名卽炤月令季夏之月腐草爲螢逸周

書時訓解云大暑之日腐草化爲螢月令疏引蔡邕章句云鳩化爲鷹鷹還化爲鳩故稱化今腐草爲螢螢不復爲腐草故不稱化案時訓解螢亦稱化蔡氏之說非也螢火感暑溼之氣而化至秋天陰沈數雨入夜螢火亂飛故幽風東山云熠燿宵行至八月則食蚊蚋故夏小正云八月丹鳥羞白鳥丹鳥也者謂丹良也白鳥也者謂蚊蚋也禮記疏引皇侃說謂丹良是螢火古今註亦云螢腐草爲之食蚊蚋焉本草云螢火一名夜光一名熠燿廣雅云景天螢火燐也毛傳亦云燐螢火也註夜飛至有火。**正義**詩疏引舍人云螢火卽炤夜飛有火蟲也禮記疏引李巡云螢火夜飛腹下有火光故曰卽炤是郭註所本也郭

氏讀云熠燿宵行物之微么出自腐
草煙若散漂物之相照孰知其阿

密肌繼英

註未詳

正義繼英玉篇作繼
續謂之密肌未詳

蝮烏蠋

註

大蟲如指似蠶見韓子

正義

蝮一名烏蠋說

幽風東山云蝮蠋者蠋詩疏謂樊光註引此詩鄭箋
云蝮蝮蝮然特行莊子庚桑楚云奔蜂不能化藿蠋
釋文引司馬彪云藿蠋豆藿中小青蟲也太平御覽
引廣志云藿蠋有五色者藿蠋亦作藿化蛾子子諸
草木皆有之故說文以爲蠶也韓奕毛傳作厄烏蠋
註見韓子○**正義**韓非內儲說云蝮似蛇蠶似蠋人
見蛇則驚駭見蠋則毛起然而婦人拾蠶而漁者握
蠶利之所在則亡其所惡皆爲孟賁淮南說林訓亦
云蠶之與蛇蠶之與蠋狀相類而愛憎異高誘
註愛蠶與蠶畏蛇與蠋是蠋爲似蠶之蟲也

蠓蠓

註

小蟲似蚋喜亂飛

正義

蠓一名蠓蠓文選註
引孫炎云蠓蠓蟲小於蚊

埤雅引係炎此蟲微細羣飛淮南所謂飛蟲滿野高誘以飛蟲卽蟻蝶也飛蟲又轉作蜚鴻史記索隱云蜚鴻蟻蝶也其在窠中者名醯雞莊子田子方篇云其猶醯雞與郭象註醯雞窠中之蟻蝶釋文引司馬彪云酒上蟻蝶也列子天瑞篇醯雞生乎酒抱朴子云蠓蚋之育於醯酢今蟻蝶酒醯之窠皆有之註小蟲至亂飛○**正義**衆經音義引郭註云小蟲似蚋風春雨墮者也與今本異疑係郭氏音義之文

王蚨蟴註

卽蟻蟴似蠶窠在穴中有蓋今河北人呼蚨

蟴

正義

王一名蚨蟴鬼谷子內披篇云若蚨母之從其子也出無間人無厭獨往獨來莫之能止註云

蚨母蟴蟴也似蜘蛛在穴中有蓋言蚨母養子以蓋覆穴出入往來初無間厭故物不能止之註卽蟴至

蚨蟴○

正義

劉崇遠金華子云長安間里中小兒常

以穢草刺地穴間共邀勝負以手撫地曰顛常出來

既見草動則鉤出赤色小蟲形似蜘蛛江南小兒謂

之鈞駱駝其蟲背有若駱峯然也明經劉寡辭曰此

爾雅所謂王蚨蟬也。菜今時北方以蚨蟬爲
顛當小兒以織草刺地穴畧如崇遠所言

蠟桑繭註食桑葉作繭者卽今蠶繭由樗繭註食樗葉

棘繭註食棘葉樂繭註食樂葉虬繭註食蕭葉皆

蠶類正義說文云繭蠶衣也此別蠶類其名因所食

之葉而殊也。蠟桑繭。食桑葉而作繭者名

繭今之蠶也。鄭註夏官馬質引蠶書云蠶爲龍精月

而大火則浴其種淮南說林訓云蠶食而不飲二十

一日而化齊民要術引春秋考異郵云蠶陽物火惡

水故食而不飲陽立於三春故蠶三變而消死於七

三七十二一故二十一日而繭今南方養蠶者三十

六日而化蠶蠶則二十一日而化仲長統昌言云寒

而餓之則引日多溫而飽之則用日少蓋天時有寒

煥人事有勤惰蠶事之登亦難預計以日也夏小正

云三月妾子始蠶故繭風以倉庚鳴爲蠶生之候荀

子蠶賦云三俯三起事乃大已三俯今謂之三眠亦

有四眠者淮南覽冥訓云蠶弭絲而商弦絕高誘註以蠶上下絲於口爲弭絲也春秋繁露實性篇繭待緣以稍湯而後能爲絲今繭有黃白二種繅絲者別而擇之古者桑土宜於充條桑詠於幽桑繭之利既溥又別其蠶類不專取給於桑繭故能衣被天下老者皆得衣帛後世桑繭之利專重東南原蠶無禁且以八繭之蠶爲美談矣○雖由樗繭○食樗葉而成繭者名雉由今人名樗者曰臭椿後世所謂樗綱其卽樗繭所成與○棘繭○蠶類之食棘葉而成繭者或以爲柘蠶與桑蠶並育卽棘蠶也○樂繭○樂者本草有樂華蘇恭云葉似木槿而薄細蠶類有食其葉而成繭者與樗蠶棘蠶同爲野蠶之屬荀子蠶賦云人屬所利飛鳥所害謂野蠶也○蚘蕭蠶○玉篇云蚘蠶類食蒿葉蒿卽蕭也今嶺南蠶或食紫蘇葉

翥醜

醜註

剖母背而生

齧奮註

好奮迅作聲強醜將

註

以脚自摩將蠶醜

蠶註

垂其腴蠅醜

扇註好搖翅

正義 此別蟲類所生與其狀也。廣雅云醜類也。齋醜。方音云齋舉也。楚謂之齋。說文云齋飛舉也。凡飛齋之屬多裂母背而生。故說文又云齋裂也。舊疏謂蟬屬皆剖拆母背以爲孔罅而出也。齋醜奮。蝗未成翅時常自奮躍及翅長則高飛矣。莎雞之振羽。虻之善躍皆其類也。強醜。捋。米中小蟲之類。常自摩抄。釋文引李巡孫炎注云以口將其翅。導醜。螿。蠱種至多而背能螿人。說文云螿垂腴也。爾雅翼引孝經援神契云蜂蠶垂芒腴。卽腹下之螿人者以其有垂芒也。蠅醜。弱。齊風云蒼蠅之聲。小雅云營營青蠅。著月蒼蠅。際曉羣飛。作聲青蠅。則終日營營如有所求。皆自搖其翅也。肩說文作蠅云搖翼也。凡蠅蚋之屬皆自搖其翅也。

食苗心螟食葉蠓食節賊食根蠹

註

分別蟲啖食禾所

在之名耳皆見詩

正義 此釋害田穉之蟲之異名也。食苗心螟。左傳疏引舍人云

食苗心者名螟言冥冥然難知也李逵云食禾心爲
螟言其姦冥冥難知也說文以爲螟蟲食苗葉者似
與雅義異羅願謂食苗心者乃無足小青蟲江東謂
之蟻蟲音若橫逆之橫案羅說是也今南方農家謂
食心之蟲不可見祇視葉有纏絲卽知有蟻蟲食心
矣爾雅覈其實說文言其著也春秋隱五年螟公羊
傳曰何以書記災也穀梁傳曰蟲災也甚則月不甚
則時月令云仲春行夏令蟲螟爲害鄭註暑氣所生
爲災害也又鄭註禮運云昆蟲之災螟蚤之屬也○
食葉蟻○說文云蟻蟲食苗葉者左傳疏引李逵云
食禾葉者言其假貸無厭故曰蟻也蟻通作滕月令
云仲夏行冬令百滕時起鄭註滕蝗之屬言百者明
衆類並爲害案今稻畦蔬圃中多食葉之蟲其似蠶
而青色者不甚爲害細小而黃色者農家忌之○食
節賊○詩疏引李逵云食禾節者言貪狼故曰賊也
案今田間小青蟲能食禾節虻亦能食節是其類
也○食根蟲○說文云蠹蟲食艸根者或作蝥古文
作蚘左傳疏引李逵云食其根者言其稅取萬民財

貨故曰蝻也案蝻爲蝻屬六書故引孫氏說明以爲蝻蝻蝻也詳分別至見詩○**正義**左傳疏引孫炎云皆政貪所致因以爲名詩疏云郭璞直以蝻食所在爲名而李迥孫炎並因託惡政則災由政起雖食所在爲名而所在之名緣政而致理爲兼通也陸璣詩疏云蝗似子方而頭不赤騰蝗也賊似桃李中蝻蟲赤頭身長而細耳或說云蝻螻蛄也食苗根爲人患許慎云吏犯法則生蝻乞貨則生騰舊說蝻騰蝻蝻賊一種蟲也如言冠賊蝻究內外言之耳故健爲文學曰此四種蟲皆蝗也實不同故分別釋之案四蟲以所食爲名農家能別其種類其治之亦異以爲一種蟲者非也郭云皆見詩者小雅大田云去其螟螣及其蝻賊鄭箋云此四蟲恒害田中之穉禾又云螟螣之屬盛陽氣羸則生之案今南方農家孟春月幾望然稽田野謂之照蟻蟲是亦古人卜畀炎火之遺意也

有足謂之蟲無足謂之豸

正義此別蟲豸之異也史記黃帝本紀云淳化鳥獸蟲蟻

正義云蛾音豸直起反爾雅曰有足曰蟲無足曰豸
案張守節以蛾爲豸是也所引爾雅文有增損爾王
逸九思云蟲豸兮夾余固以足之有無
爲辨矣曹疏云散言則無足亦曰蟲

爾雅正義卷第十六